

საქართველოს პარლამენტი.

სტენოგრაფიული ანგარიში.

211 /
1918/2

N 62

62 სხდომა.

სამშაბათი, ნოემბრის 19, 1918 წ. ტფილისი. სასახლე.

თავმჯდომარეობს პარლამენტის თავმჯდომარე ნიკოლოზ ჩხეიძე. მდივნობს მდივნის ამხანაგი იოსებ აბაკელია. პრეზიდიუმში არის თავმჯდომარის ამხანაგი იოსებ ბარათაშვილი. კრება იხსნება 12 საათსა და 30 წუთზე. თავმჯდომარე, კრება გახსნილი გახლავთ. გთხოვთ დაბრძანდეთ. (მდივნს) გთხოვთ წაიკითხოთ ცნობები.

45544

სოც.-ფედერალისტთა ფრაქციის განცხადება კომისიის წევრთა შეცვლის შესახებ.

მდივანი (კითხულობს) სოციალისტ-ფედერალისტთა სარეგ. პარტიის საპარლამენტო ფრაქცია ამით გაუწყებთ, რომ ფრაქციიდან სამხედრო კომისიის წევრად ნაცვლად იოსებ გედევანიშვილისა ინიშნება ამ რიცხვიდან **სამსონ დალიანი**; საფინანსო კომისიაში ნაცვლად მიხ. ყაუხჩაშვილისა, გრიგოლ რცხილაძე და სვიმონ მდივანის ნაცვლად აევედორე დლონტი; საკონსტიტუციოში ნაცვლად გრიგოლ რცხილაძისა ალ. წერეთელი“.

პარლამენტი ცნობად იღებს ამ განცხადებას.

ცნობა კომისიებში გადასაცემ კანონ-პროექტის შესახებ.

1. განათლების მინისტრის კანონ პროექტი ტფალისში საბავშვო ბაღის გახსნის შესახებ.

გადაეცეს განათლების და საფინანსო კომისიებს.

დღიური წესრიგი.

1. საბიურო ტექსტი სხვა და სხვა უწყების სკოლათა განათლების სამინისტროს უწყებაში გადასვლის კანონისა.

მომხსენებელია პარლამენტის წევრი შალვა ამირეჯიბი.

2. საბიურო ტექსტი სახაზინო პალატათა გაუქმებისა და გადასახადთა და ხაზინის სამმართველოს დაარსების კანონისა.

მომხსენებელია შ. ამირეჯიბი.

3. საბიურო ტექსტი ორასი მილიონი მანეთის ბონის გამოცემის კანონისა.





მომხსენებელია შ. ამირეჯიბი.

4. საბოლოო ტექსტი პირველ-დაწყებითი სკოლების გახსნის კანონისა. მომხსენებელია შ. ამირეჯიბი.

5. საბოლოო ტექსტი გურიის უმაღლეს დაწყებითი სკოლებისათვის ერთ-დროულ დახმარებისა.

მომხსენებელია შ. ამირეჯიბი.

6. საბოლოო ტექსტი—სააქციზო უწყების ორგანიზაციისა.

მომხსენებელია შ. ამირეჯიბი.

7. კანონ-პროექტი—საჩხერეში ცეცხლით დაზარალებულთა დახმარების შესახებ.

მომხსენებელია ი. კაკაბაძე.

8. კანონ-პროექტი—სამთო სამმართველოს დაარსებისა.

მომხსენებელია დ. შარაშიძე.

9. კანონ-პროექტი—საღვთო სჯულის სწავლების გაუქმებისა ყველა ტიპის და საფეხურის სახელმწიფო და კერძო სკოლებში.

მომხსენებელია ლ. ნათაძე.

10. კანონ-პროექტი—სამკურნალო მანდელ აბანოებისა, წყლებისა და ტალახების სახელმწიფო კუთვნილებათ გამოცხადების შესახებ.

მომხსენებელია კ. ნინიძე.

11. კანონ-პროექტი სახელმწიფო კონტროლის დებულებისა დროებითი შტატებისა და რევიზიის წესდებისა.

მომხსენებელია გ. რაცხილაძე.

12. შეკითხვა პარლამენტის წევრის რევაზ გაბაშვილის მთავრობისადმი ხიდების აფეთქების განზრახვის შესახებ.

თავმჯდომარე. პარლამენტის წევრი შ. ამირეჯიბი. გთხოვთ წაიკითხოთ მხოლოდ ის ცვლილებები, რომელიც შეტანილია.

კანონი სხვა და სხვა უწყების სკოლათა განათლების სამინისტროს უწყებაში გადასვლისა.

შალვა ამირეჯიბი. (კითხულობს) კანონ-პროექტი სხვა და სხვა სკოლების განათლების სამინისტროს უწყებაში გადასვლისა.

მუხლი პირველი. ამ მუხლში ჩვენ სიტყვა გადადის შევცვალეთ სიტყვით გადავიდეს.

მუხლი მეორე. აქ არის შეცვლილი მრავლობითი რიცხვი მხოლოდობითად, პარლამენტის მიერ მიღებულ ტექსტში არის ნათქვამი ექვემდებარებიან სარედიქციო კომისიამ მიიღო სიტყვა ექვემდებარება.

თავმჯდომარე. ცოტა ხმა მაღლა, თუ შეიძლება.

საბოლოო ტექსტი სახაზინო პალატათა გაუქმებისა გადასახადთა ხაზინის სამართველოს დაარსების კანონისა.

შალვა ამირეჯიბი. (კითხულობს) მუხლი პირველი. ტფილისისა და ქუთაისის სახაზინო პალატები გაუქმებულ იქნეს. ამ პალატათა მოხელენი, რომელნიც ახალს თანამდებობაზე არ დაინიშნებიან შტატ გარეშე იქნას დატოვებული საერთო წესით.

მუხლი მეორე. დაარსებულ იქნას ტფილისში სამართველო გადასახადთა და სახელმწიფო ხაზინისა.



ამ მუხლებში სიტყვები არის მხოლოდ გადასხმული.

პირველი განყოფილება მუხლი 1. სამართველო შესდგება სამართველოს უფროსისა, მისი თანაშემწისა, განყოფილებათა გამგეებისა, მდივნისა და სხვა მოსამსახურეთაგან, რომელთა რიცხვი და ჯამაგირის რაოდენობა ნაწვენებია ამასთანავე დართულ შტატებში.

მუხლი გახლავთ უცვლელად მიღებული.

მუხლი 2. სამართველო შესდგება ოთხი განყოფილებისაგან, რომელთა უახლოესი ხელმძღვანელობა განყოფილების გამგეებს ეკუთვნის. განყოფილებათა გამგეებს ეკუთვნის. განყოფილებათა შორის მუშაობის განაწილება და ერთი განყოფილებიდან მეორეში საქმის წარმოების გადატანა დამოკიდებულია სამართველოს უფროსისაგან.

ეს მუხლიც უცვლელად არის მიღებული ზოგიერთ სიტყვის დაბოლოებების შეცვლის გარდა. მუხლი 3. სამართველოსთან ხდება საერთო საკრებულო სამართველოს უფროსის თავმჯდომარეობით და მის თანაშემწისა და განყოფილებათა ყველა გამგეების მონაწილეობით.

მუხლი 3 უცვლელად არის მიღებული. მეოთხე მუხლი უცვლელადაა მიღებული. სამართველოს უფროსი თანამდებობაზე ინიშნება და დათხოვნილ იქნება რესპუბლიკის მთავრობის მიერ, ფინანსთა მინისტრის წარდგენით. სამართველოს უფროსის თანაშემწესა და განყოფილებათა გამგეებს თანამდებობაზე ინიშნავს და ითხოვს ფინანსთა მინისტრი, სამართველოს სხვა მოსამსახურებს კი—სამართველოს უფროსი.

პარლამენტის მიერ მიღებულ ტექსტში ნათქვამია ინიშნება, ჩვენ ვიზმარეთ დაინიშნება.

მუხლი მეექვსე. სამართველოს უფროსის მოვალეობას სათანადო შემთხვევაში, დროებით ასრულებს მისი თანაშემწე, ხოლო განყოფილების გამგისა—ერთ-ერთი საქმის მწარმოებელთაგანი სამართველოს უფროსის განკარგულებით.

ეს მუხლი, ბატონებო, უცვლელად არის მიღებული. მუხლი მეშვიდე. სამართველო ვალდებულია რესპუბლიკის მთელს მიწა-წყალზე გადაწყვიტოს და აწარმოოს ის საქმე, რომელიც მომქმედი კანონებით სახაზინო პალატის ხელში იყო, აგრეთვე თავს იღვას გუბერნიის სამართველოს მოვალეობა იმ ქონების აღწერა-შეფასებისა და საჯაროდ გაყიდვისათვის, რაზედაც უდავო წესით ასაკრები გადასახადია დარჩენილი.

პარლამენტის მიერ მიღებულ ტექსტში ნათქვამი იყო, სამართველო ვალდებულია ჩვენ ვიზმარეთ სამართველოს ევალეობა. დანარჩენში სიტყვები გადასხმულ-გადმოსხმულია. მუხლი მერვე. ამიერიდან ისპობა სახაზინო პალატის ის საქმეები, რომელიც სხვა და სხვა წოდებრივ საზოგადოებებზე მიწერას ან და ასეთ საზოგადოებიდან გამოირიცხვას ეხებოდა. ყოფილ მდამიო მოქალაქეთა და გლეხთა მიერ შეიღობილების აყვანა და ქორწინების გარეშე შობილ ბავშვთა გვარისა და მამის სახელის მიკუთვნება, აგრეთვე ყოფილ აღდგენა მოხარკე წოდების პირთა მიერ დაკარგულ გვარისა, სახაზინო პალატიდან გადადის საოლქო სასამართლოში.

კომისიამ მხოლოდ სტილისტიური ცვლილებები მოახდინა ამ მუხლში. მუხლი 9. ანგარიშის გამოკვეყნებისაგან განთავისუფლებულ ვაჭრობა-მრეწველობის დაწესებულებაზე დარჩენილ დამატებითი სარეწავი გადასახადის და მოგების ზრდაზე დროებითი გადასახადის ანგარიშის წარმოება დაევალება ხაზინას, ხოლო მოგების ზრდაზე დროებითი გადასახადის აღრიცხვა და ორივე გადასახადის ხარჯის ფურცლების დგზავნა ვალად აძევს გადასახადთა ინსპექ-



ტორს. მუხლი მიღებული არის უცვლელად, მხოლოდ ზოგიერთ სიტყვის დაბოლოება არის შეცვლილი. მუხლი 10. ორთქლით მომუშავე ქვაბებზე დაწესებულ გადასახადების აკრების მეთვალყურეობა და მათზე გაწერილ გადასახადთა ანგარიშებს წარმოება სამრეწველ.—ღებულების 76 მუხლთან გაგრძ. გადადის ვაჭრობა მრეწველობის სამინისტროს ადგილობრივ აგენტების გამგებლობაში.

ამ მუხლში ზოგიერთი სტილისტიური შესწორებანია შეტანილი მხოლოდ სამართველოს საერთო საკრებულოს გამგებლობაში შედის. ჩვენ შევცვალეთ.

სამართველოს საერთო საკრებულოს ხელში გადადის. მუხლი 1. იმ ქონების საჯაროდ გაყიდვა, რაზედაც დარჩენილია სახელმწიფო გადასახადი. მუხლი 2. ნარდად ასაღებ საშუაოს იჯარით ვაცემა.

უცვლელადაა მიღებული მუხლი 3. ხმარებაში გამოსული ან უვარგისი საღებრო ნიშნების, საღებრო ქაღალდების, ფულის აღნიშნულობის ბლანკების, შემოსავლის კურნალის ფურცლების და სხვა ფასიან ბლანკებისა და ქაღალდების მოსპობა.

პარლამენტის მიერ მიღებულ ტექსტში არის ნახმარი სიტყვა: „ასიგნოვკა“. სარედაქციო კომისიამ ასიგნოვკის მაგიერ იხმარა ფულის აღნიშნულობის ბლანკი.

თავმჯდომარე. უკაცრავად, როგორ არის ნათქვამი?

მომხსენებელი. ფულის აღნიშნულობის ბლანკი.

თავმჯდომარე. აი, ასეთი ცვლილება გახლავთ შეტანილი ასიგნოვკას მაგიერად არის ნახმარი ფულის აღნიშნულობის ბლანკი. ვის ნებაგს სიტყვა? პარლამენტის წევრი რ. გაბაშვილი.

რევაზ გაბაშვილი. (დ. ნ. დ.) ჩვენ ვფიქრობთ, რომ ბლანკი და ასიგნოვკა მაინც ერთმანეთს არ ჩამოუფარდება. ასიგნოვკა შეიძლება გამოგვეცვალოს თუ ქართულ სიტყვას ვიხმარდით. თუ ვიხმარებთ ბლანკს, არაქართულ სიტყვას, მაშინ სჯობია ასიგნოვკა დარჩეს. მე კი მგონია, რომ უნდა შეგვეცვალოს სიტყვით, რომელიც უფრო შეეფერება ქართულ ენას. ჩემის იზრით სჯობს ვიხმაროთ თუ გნებავთ, ბლანკისა და ასიგნოვკის მაგიერად—სიტყვა ბარათი.

თავმჯდომარე. ვის ნებაგს კიდევ სიტყვა ამის შესახებ? მომხსენებელი.

მომხსენებელი. მე მომხრე ვახლავარ, რომ დარჩეს ისე, რა შესწორებაც მოახდინა სარედაქციო კომისიამ. რაც უნდა იყოს, განსხვავება არის, ამ შემთხვევაში, ვიხმარებთ ბლანკს თუ ასიგნოვკას. ამ სიტყვაში ტიპიური რუსულ სიტყვის დაბოლოება ვახლავთ, როდესაც „ბლანკი“ მიღებული არის ყველგან და საერთაშორისო სიტყვათ არის გამხდარი. ბლანკი ისეთივე სიტყვაა, როგორც არის ასიგნოვკა (გაბაშვილი: ასიგნოვკა რუსული სიტყვა არ არის!) ჩვენ თამამად შეგვიძლიან ვთქვათ, რომ მხოლოდ რუსული არის ეს სიტყვა ასიგნოვკა. შეიძლება დარჩინოთ ეს სიტყვა, მაგრამ არავითარი ლოლიკური მოსაზრება არ არის იმაში, რომ დარჩეს სიტყვა ასიგნოვკა და არა ფულის აღნიშნულობის ბლანკი.

თავმჯდომარე. ნება მიბოძეთ, კენჭი უყარო კომისიის მიერ შეტანილ ცვლილებას: ასიგნოვკა-ს მაგიერათ ვიხმაროთ მეორე: ფულის აღნიშნულობის ბლანკი. გთხოვთ ასწიოთ ხელი. ვინ არის მომხრე?

ამნაირად, კომისიის წინადადება რჩება.

მომხსენებელი. მე-4 და 5 მუხლი უცვლელად ვახლავთ დატოვებული.



მე-6 მუხლი აქ უფრო სტილისტური ცვლილებაა. მე-7 და 8 მუხლი ლეხულია უცვლელად.

მუხლი მე 9. ყველა საქმეები, რომელთა საერთო საკრებულოში გარჩევა აუცილებლად იქნება ცნობილი ფინანსთა მინისტრისა ან სამმართველოს უფროსის მიერ.

სარედაქციო კომისიამ ეს მუხლი ასე შესცვალა: 9. ყველა საქმეები, რომელთა საერთო საკრებულოში გარჩევა მიჩნეული იქნება აუცილებლად ფინანსთა მინისტრისა და სამმართველოს უფროსის მიერ.

მე-10 მუხლი უცვლელად არის მიღებული.

მუხლი მე-11. უფლების საზღვარი, შოვალეობის ფარგალი და პასუხისმგებლობა სამმართველოს უფროსისა, მის თანაშემწისა განყოფილებათა გამგეებისა და სამმართველოს სხვა მოსამსახურეთა განმარტებულია იმ წესებში, რომელიც დაკანონიერებულია მოქმედ დებულებით სახაზინოს პალატის გამგისა, მისი თანაშემწისა, განყოფილებათა უფროსებისა და სახაზინო პალატათა სხვა სათანადო მოსამსახურეთა შესახებ.

ამ მუხლში გამოსტოვა სარედაქციო კომისიამ სიტყვა **შესახებ**. ამას ყოველთვის სჩადის სარედაქციო კომისია. სამუდამოდ გახლავთ მიღებული, რომ ეს სიტყვა **შესახებ** უადგილო არის.

მუხლი მე-12, ამ მუხლში სიტყვა **ევალება** შეეცვალეთ სიტყვით **დაევალება**.

მუხლი მე-13-ე. სამმართველოს უფროსი თავმჯდომარეობს გუბერნიის საადგილ-მამულო გადასახადის, ქალაქში უძრავ ქონებათა სახელმწიფო გადასახადთა და შემოსავლის გადასახადის საკრებულოებს. ხსენებულ საკრებულოთა საქმის წარმოება ვალად იძევს სამმართველოს სათანადო განყოფილების გამგეს საკრებულოს წევრის უფლებით.

აქ მხოლოდ ზოგიერთი სიტყვის დაბოლოებაა შეცვლილი.

შენიშვნა: ფინანსთა მინისტრს უფლება ეძლევა ქუთაისის საგუბერნიო საკრებულოების თავმჯდომარისა და საქმის-მწარმოებელ წევრის მოვალეობამ მიანდოს საგანგებო პირთ.

პარლამენტის მიერ მიღებულ ტექსტში ნათქვამი იყო: **დააკისრეს** ჩვენ შეეცვალეთ **მიანდოს**.

III. სათანადო კანონდებულების შესავლელად და დასამტკიცებლად დადგენილ იქმნეს:

I. მიწის გადასახადის, ქალაქის უძრავ ქონების სახელმწიფო გადასახადის, სარეწავი გადასახადის და შემოსავლის გადასახადის გუბერნიის საკრებულო შესდგება გადასახადისა და სახელმწიფო ხაზინის სამმართველოს უფროსის თავმჯდომარეობით, ამ სამმართველო სათანადო განყოფილების გამგისა და შემდეგი წარმომადგენლებისაგან: თითო-თითო ადგილობრივ საოლქო სასამართლოს გრაზმდებლისა და ოთხი სათანადო გადასახადთა გამომცხადებელი, უკანესკენელი ირჩევიან სათანადო ერთობათა და ქალაქთა თვითმართველობისაგან.

დამატებითი სარეწავი გადასახადის ქაქმეები საგუბერნიო საკრებულოში უნდა განხილულ იქნეს ზემო მოყვანილ წევრთა გარდა სახელმწიფო კონტროლისა სააქციზო და სამთო უწყებათა წარმომადგენლების მონაწილეობით ხმის გადაწყვეტის უფლებით.

პარლამენტის მიერ მიღ. ტექსტში იყო სიტყვა **სამრეწველო** ეგრედწოდებული „Промышленные“ სარედაქციო კომისიამ იხმარა სიტყვა **სარეწავი**.

შენიშვნა: მიწის გადასახადის საკრებულოში ამოირჩევენ, ოთხს წევრს

საეროზო თვითმართველობანი, ქალაქის უძრავ ქონებათა გადასახადის საკრებულონი ოთხ წევრს—ქალაქის თვითმართველობანი, სარეწავი და შემოსავლის გადასახადის საკრებულოები ორს—საეროზო და ორს ქალაქის თვითმართველობანი.

შენიშვნა: აქ სიტყვა **აირჩევს** შეიცვალა სიტყვით **ამირჩევს**.

თავმჯდომარე, რომელი მუხლი გახლავთ?

მოხსენებელი. 3 **განყოფილების** პირველი მუხლი **შენიშვნაში** სიტყვა **აირჩევს** შეიცვალა სიტყვად **ამირჩევს**.

2. საგუბერნიო სარეწავი საკრებულოს მოვალეობა არას განიხილოს. საჩივარი გადასახადის საუბნო და სამაზრო საკრებულოების მიერ გადასახადის ზედმეტად ან უმართებულოდ აღრიცხვის გამო; ყოველ წლის დასაწყისშივე დაჰყოს სავაჭრო-სამრეწველო დაწესებულებანი და პირად, სარეწავი სამუშაო ჯგუფებად და დამატებითი გადასახადის დასადებათ მათი საშუალო მოგების პროცენტი დააწესოს.

აქ ზოგიერთი სიტყვებია შეცვლილი, რომელსაც დიდი მნიშვნელობა არა აქვს.

შენიშვნა: საუბნო ან სამაზრო გადასახადის საკრებულოთა მოვალეობა არის განიხილონ გადასახადის გამღების უთანხმოების განცხადება და მიიღონ საჩივარი, რომელიც შემოტანილი იქნება გადასახადის გამღებისაგან მათ დადგენილებაზე; თავისი დანაკვი წარედგინოს საგუბ. სარეწავ საკრებულოში.

აქაც სიტყვა **ევალება** შეიცვალა: **მოვალეობა არის**.

3. ქუთაისის ხაზინის ყოველთვიურ სარევიზიოდ შესდგეს საკრებულო ქუთაისისა და ქუთაისის მაზრის გადასახადის ინსპექტორთა და ადგილობრივ სააქციზო ინსპექტორისაგან, საკრებულოს თავმჯდომარეობა დაევალება ერთ-ერთ გადასახადის ინსპექტორს, რომელსაც დანიშნავს ფინანსთა მინისტრი.

აქ არის შეცვლილი სიტყვები მხოლოდობით რიცხვში. შემდეგ სიტყვა **ნიშნავს** შეიცვალა **დინიშნავს**.

IV. გუბერნიის საეროზო თვითმართველობის მოწყობამდის, საგუბერნიო საკრებულოს წევრებს, რომელნიც არჩეულ უნდა იყვნენ თვითმართველობისაგან, დანიშნავს ფინანსთა მინისტრი გუბერნიის კომისრის წარდგენის თანახმად. გუბერნიის კომისარმა კანდიდატები უნდა წარადგინოს გადასახადის და სახელმწიფო ხაზინის უფროსთან შეთანხმებით.

მუხლი მიღებული გახლავთ უცვლელად.

V. საეროზო საგუბერნიო დაწესებულებათა დებულების 1016 მ. და სამოქალაქო კანონთა 157 მუხლის შესაცვლელად დადგენილ იქმნეს:

1. ყოფილ მდაბიო მოქალაქის მიერ ზეღლად აყვანის საქმე სწარმოებს საოლქო სასამართლოში იმ წესით, რომელიც ნაჩვენებია სამოქალაქო სამართლის წარმოების წესდების 1460-⁸ 1460-¹² მუხლი.

აქ სიტყვა **სასამართლოები** შეცვლილია **სახამართლო**.

2. ყოფილ მდაბიო მოქალაქის და გლეხის მიერ ნაშვილების და ქორწინების გარეშე შობილი ბავშვის გვარისა და მამისა სახელის მიკუთვნება, დამტკიცება და აგრეთვე აღდგენა ყოფილ მოხარკე წოდების პირთა მიერ დაკარგული გვარისა, სწარმოვის საოლქო სასამართლოში.

მუხლი უცვლელად არის მიღებული. VI. მიეცეს ფინანსთა მინისტრს უფლება გამოსცეს ინსტრუქცია ამ კანონ-პროექტის ცხოვრებაში გასატარებლად და აგრეთვე წესდება სახაზინო პალატების და ლიკვიდაციისა და ამ პალატების გადასახადთა და სახელმწიფო ხაზინის სამართველოსთვის გადაცემის შესახებ.



აქ სარედაქციო კომისიის მიერ მიღებულ ტექსტში გამოტოვებულია სიტყვა **შესახებ**. VII. ტფილისის და ქუთაისის სახაზინო პალატების შესახებ არსებული კრედიტი დახურულ იქნეს ლიკვიდაციის ფაქტიურად დამთავრების შემდეგ, რომელიც უნდა მოხდეს არა უგვიანეს ამა წლის 31 დეკემბრისა.

აქ ჩვენ გამოვტოვეთ სიტყვები **შესახებ არსებული** ამის მაგიერ დავსწერეთ **შესახებ კრედიტი** სიტყვები არა უგვიანეს: **ამა წლის 31 დეკემბრის** შეეცვალეთ: **ამა წლის დეკემბრის 31-სა**. კანონს თან დართული აქვს შტატები, მიღებული თქვენ მიერ—სარედაქციო კომისიას საამისო ცვლილება არა შეუტანია რა.

მე მგონია, საჭირო არ იქნება მეორედ წაკითხვა.

საბოლოო ტექსტი ორასი მილიონი მანეთის ბონების გამოცემის კანონისა.

შალვა ამირეჯიბი (კითხულობს) 1. საქართველოს პარლამენტი უფლებას აძლევს მთავრობას გამოსცეს კიდევ ამიერ-კავკასიის კომისარიატის ბონები გარდა უკვე გამოცემულ 580 მილიონისა, ადერბეიჯანის მთავრობასთან შეთანხმებით ორასი მილიონი. ბონი, რომლისაგან ასი მილიონი მანეთი უნდა მიეცეს ადერბეიჯანის მთავრობას და ასი მილიონი მანეთი დარჩეს საქართველოს მთავრობის განკარგულებაში. პასუხისმგებლობა ამ ორასი მილიონი მანეთი ბონისა ედება ორსავე რესპუბლიკას, საქართველოს და ადერბეიჯანს თანახმად განსაკუთრებულ ხელშეკრულებითა.

აქ შეცვლილი გახლავთ შემდეგი სიტყვები: პარლამენტის მიერ მიღებულ ტექსტში ნახმარია: **გარდა უკვე გამოცემულ 580 მილიონისა**, სარედაქციო კომისიამ შესცვალა: **გარდა უკვე გამოცემულის 580 მილიონისა** სიტყვები; **პასუხისმგებლობა ამ ორასი მილიონი მანეთი ბონისა ედება ორსავე რესპუბლიკენ** შეეცვალეთ: **პასუხისმგებლობა ამ ორასი მილიონი მანეთი ბონისა მართებს ორსავე რესპუბლიკას**.

მთელი მუხლი ასეა მიღებული: (კითხულობს) 1. საქართველოს პარლამენტი უფლებას აძლევს მთავრობას გამოსცეს კიდევ ამიერ-კავკასიის კომისარიატის ბონები, გარდა უკვე გამოცემულის 580 მილიონისა, ადერბეიჯანის მთავრობასთან შეთანხმებით ორასი მილიონისა, რომლისაგანაც ასი მილიონი მანეთი უნდა მიეცეს ადერბეიჯანის მთავრობას და ასი მილიონი მანეთი დარჩეს საქართველოს მთავრობის განკარგულებაში. პასუხისმგებლობა ამ ორასი მილიონი მანეთი ბონისა მართებს ორსავე რესპუბლიკას, საქართველოს და ადერბეიჯანს თანახმად განსაკუთრებულ ხელშეკრულებითა.

საბოლოო ტექსტი პირველ-დაწყებითი სკოლების დამთავრების შესახებ.

შალვა ამირეჯიბი. (კითხულობს) **მუხლი 1**. გაიხსნას ტფილისის გუბერ-ნიაში 37 ახალი პირველ-დაწყებითი სკოლა.

ეს მუხლი უცვლელად გახლავთ მიღებული.

მუხლი 2. გაიხსნას ახალი კომპლექტი 13 მრავალრიცხოვან სასოფლო სკოლაში.

პარლამენტის მიერ მიღებულ ტექსტში ნახმარი იყო სოფლის სკოლაში ჩვენ შეეცვალეთ: **სასოფლო სკოლაში**.



მუხლი 3. გაეხსნას განათლების სამინისტროს კრედიტი ახალ სკოლებს და კომპლექტების შესანახად ას ოცდა ერთი ათასი ოთხას ორმოცი (121,440) მანეთი.

სარედაქციო კომისიამ ეს მუხლი ასე შეცვალა:

3. გაეხსნას განათლების სამინისტროს კრედიტი ახალ სკოლების და კომპლექტის შესანახავად თანახმად ამ კანონთან დართულ ხარჯთაღრიცხვის ას ოცდა ერთი ათხას ორმოცი (121440) მანეთი.

ამ კანონს დართული აქვს ხარჯთ-აღრიცხვა, რომელიც მიღებული გახლავთ პარლამენტის მიერ და რომელშიაც არავითარი ცვლილება არ შევიტანია.

საბოლოო ტექსტი გურიის უმაღლეს დაწვებითი სკოლებისთვის ერთდროულ დახმარების კანონისა.

შალვა ამირეჯიბი. (კითხულობს) მიეცეს სახელმწიფოს ხაზინიდან ერთდროული დახმარება ლიხაურის, აცანის, ამბღლების და ბახვის უმაღლეს დაწვებით სკოლებს, თითოს სამა ათასი მანეთი, სულ თორმეტი ათასი (12000) მანეთი.

პარლამენტის მიერ მიღებულ ტექსტში ნახმარი იყო სიტყვა **სასწავლებლებს**, ჩვენ, როგორც ყოველთვის, აქაც სიტყვა **სასწავლებლებს** შევცვალეთ სიტყვით სკოლებს.

საბოლოო ტექსტი სააქციზო უწყების ორგანოზაციის კანონისა.

შალვა ამირეჯიბი (კითხულობს) კანონ-პროექტი სააქციზო უწყების ორგანიზაციისა საქართველოს ტერიტორიაზე.

1. ამიერ-კავკასიის სააქციზო სამმართველო და მისი ოლქი: I, II, VI და VIII 1918 წლის პირველ მარამომბისთვიდან უქმდებიან და ყველა ამ დაწესებულებათა მოხელეები რჩებიან შტატ გარეშე. ამასთანავე უქმდებიან თანამდებობანი: რევიზორებისა, სამოსამართლო ნაწილის მოხელესი, ტეხნიკისა, საოლქო ზედამხედველისა, მისი თანაშემწეებისა, უფროს და უმცროს კონტროლიორებისა გარდა თამბაქოს ქარხნის კონტროლიორის და აქციზის მეთვალყურეებისა.

სარედაქციო კომისიამ ასე შესცვალა.

1. ამიერ-კავკასიის სააქციზო სამართველო და მისი ოლქები: I, II, VI და VIII 1918 წ. ავგისტოს პირველიდან გაუქმებულნი არიან და ყველა ამ დაწესებულებების მოხელე დატოვებულია შტატ გარეშე. ამასთანავე გაუქმებულია თანამდებობა: რევიზორებისა, სამოსამართლო ნაწილის მოხელისა, ტეხნიკოსისა, საოლქო ზედამხედველისა, მისი თანაშემწეებისა, უფროს და უმცროს კონტროლიორებისა (გარდა თამბაქოს ქარხნის კონტროლიორისა) და აქციზის მეთვალყურეებისა.

მუხლი 2. ის მოხელენი, რომელნიც არ იქნებიან ნელახლად დანიშნულნი ახლად დაარსებულ სააქციზო სამართველოში რაიმე ადგილზე, თანახმად ივლისის 1918 წ. გამოცემულ კანონისა, მიიღებენ სალიკვიდაციო დახმარებას.

ამ მუხლში შეცვლილია მხოლოდ მრავლობითი რიცხვი ყველგან და ნახმარია მხოლოდობითი.



შენიშვნა 1. ბათუმის სააქციზო ოლქი, თანახმად 20 ივლისის კანონით ითვლება გაუქმებულად 1918 წ. პირველ ივლისიდან. ამავე რიცხვიდან, პირველ ივლისიდან ითვლებიან დათხოვნილად აღნიშნულ ოლქის მოხელენი, რომელთაც ამასთანავე ესპობათ უფლება სალიკვიდაციო დახმარების მიღებაზე. ამ მუხლში მხოლოდ ზოგიერთ სიტყვის დაბოლოება არის შეცვლილი.

შენიშვნა 2: ის მოხელენი, რომელნიც 1918 წ 26 მაისამდე დროებით სამუშაოთ იყვნენ მოწვეულნი ყოფილ ამიერ-კავკასიის სხვა და სხვა ოლქებიდან საქართველოს ტერიტორიის მოყოლილ ფარგლებში მიიღებენ სალიკვიდაციო დახმარებას.

ჩვენ ეს შენიშვნა ასე შევასწორეთ: **შენიშვნა 2:** მოხელე, რომელიც 1918 წელს მაისის 26 დროებით სამუშაოდ იყო მოწვეული ყოფილ ამიერ-კავკასიის სხვა და სხვა ოლქიდან საქართველოს ტერიტორიის ფარგლებში, მიიღებს სალიკვიდაციო დახმარებას.

მუხლი 3. სააქციზო სამართველო არსდება ქალ. ტფილისში. ეს სამართველო განაგებს აქციზის ყოველნაირ დარგის საქმეს შემდეგი შემადგენლობით: სამართველოს უფროსი, მისი თანაშემწენი, მდივანი და ბულჰალტერი თანაშემწეებით, რეგისტრატორები და მბეჭდავ მანქანაზე მომუშავენი.

აქცე შეცვლილია მხოლოდ რიცხვი. მრავლობით რიცხვის მაგივრად არის ნახმარი მხოლოდობითი რიცხვი. **მუხლი 4.** როგორც ქალაქებში, აგრეთვე მაზრებში აღვილობრივ სააქციზო საქმეებს განაგებენ ინსპექტორები თავისი უფროსი და უმცროსი თანაშემწეებით და კონტროლიორებით.

მუხლი უცვლელად გახლავთ მიღებული. **შენიშვნა:** კონტროლიორები ინიშნებიან მხოლოდ თამბაქოს ქარხნების ზედამხედველად.

აქცე მრავლობითი რიცხვის მაგიერ ნახმარია მხოლოდობითი რიცხვი. **მუხლი 5.** სამართველოს უფროსი საქართველოში განაგებს, სათანადო კანონების მიხედვით აწესრიგებს და ხელმძღვინელობს სააქციზო გადასახადების საქმის წარმოებას, იცავს ხაზინის ინტერესს, იღებს კანონიერ ზომებს შემოსავლის გასადიდებლად და არის ამასთანავე პასუხისმგებელი აქციზის საქმის აღორძინება-განვითარებაში.

უცვლელად გახლავთ მიღებული. **მუხლი 6.** თანაშემწენი უფროსისა ასრულებენ ყველა იმ საქმეებს, რასაც ავალებს მათ უფროსი: ახდენენ რევიზიას მოხელეთა მოქმედების შესახებ, განაგებენ კანცელარიას და ასრულებენ უფროსის მოვალეობას, როდესაც უკანასკნელი რაიმე მიზეზის გამო, არ იმყოფება თავის ადგილზე.

სარედაქციო კომისიამ ასე შესცვალა: **მუხლი 6.** უფროსის თანაშემწე ასრულებს ყველა საქმეს, რომელსაც უფროსი დაავალებს: აწარმოებს მოხელეთა მოქმედების რევიას, განაგებს კანცელარიას და ასრულებს უფროსის მოვალეობას, როდესაც უკანასკნელი რაიმე მიზეზის გამო, სხვაგან არის.

მუხლი 7. ინსპექტორებს ევალებათ მიიღონ ყოველნაირი კანონიერი ღონისძიება, რომ სააქციზო გადასახადების საქმე მათდამი რწმუნებულ საზღვრებში სრულდებოდეს მტკიცედ და წესიერად. ამასთანავე იგინი უწევენ საქირო ხელმძღვინელობას თავიანთ თანაშემწეებს და თამბაქოს ქარხნის კონტროლიორებს.

ეს მუხლი ჩვენ ასე შევცვალეთ: **მუხლი 7.** ინსპექტორის მოვალეობაა მიიღოს ყოველნაირი კანონიერი ღონისძიება, რომ სააქციზო გადასახადების სა-



ქმე მისდამი რწმუნებულ საზღვრებში სრულდებოდეს მტკიცედ და წესიერად ამასთანავე მან საჭირო ხელმძღვანელობა უნდა გაუწიოს თავიანთ თანაშემწეებს და თამბაქოს ქარხნის კონტროლიორებს.

მუხლი 8. სააქციზო სამართველოს უფროსი ინიშნება მთავრობისაგან, თანახმად ფინანსთა მინისტრი წარდგენისა.

ჩვენ ეს მუხლი ასე შეეცვალეთ: მუხლი 8. სააქციზო სამართველოს უფროსი დანიშნავს მთავრობა, თანახმად ფინანსთა მინისტრის წარდგენისა.

მუხლი 9. სამართველოს უფროსის თანაშემწეებს, ინსპექტორებს და მათ თანაშემწეებს დანიშნავს ფინანსთა მინისტრი სააქციზო სამართველოს უფროსის წარდგენით, დანაირჩენ მოხელეებს დანიშნავს სამართველოს უფროსი.

მუხლი უცვლელად არის მიღებული. მუხლი 10. რიცხვი ამ კანონში აღნიშნულ მოხელეთა და რაოდენობა მათი ჯამაგირისა განსაზღვრულია ამასთანავე დართულ შტატში.

ეს მუხლიც უცვლელად არის მიღებული.

მუხლი 11. ყველა საქმეები და ქონება ამიერ-კავკასიის სააქციზო სამართველოსი და აგრეთვე I, II და VI ოლქებისა გადადის საქართველოს რესპუბლიკის სააქციზო სამართველოს ხელში, მასვე გადაეცემა საქმეები იმ ვაჭრობა-მრეწველობათა შესახებ, რომლებიც სწარმოებენ ქუთაისის გუბერნიის და სოხუმის ოლქის საზღვრებში.

ჩვენ ეს მუხლი ასე შევლვალეთ:

11. ყოველი საქმე და ქონება ამიერ-კავკასიის სააქციზო სამართველოსი და აგრეთვე I, II და VI ოლქებისა გადადის საქართველოს რესპუბლიკის სააქციზო სამართველოს ხელში, მასვე უნდა გადაეცეს ვაჭრობა-მრეწველობის საქმეები, რომელიც სწარმოებს ქუთაისის გუბერნიის და სოხუმის ოლქის საზღვრებში.

მუხლი 12. გადაიდოს სახელმწიფო ხაზინიდან სააქციზო უწყებისათვის თანახმად ამ კანონთან დართული შტატებისა 1918 წ. აგვისტოს პირველიდან წლის დამლევამდე სამას ოცდა ცხრაშემეტი ათასი რუბლს ორმოცდა ხუთი 339845 მანეთი შემდეგი დანაწილებით: 1. ჯამაგირებისათვის 319745 მან. 2. ბინისათვის 2100 მ., 3. საკანცელარიო და სხვა სამეურნეო ხარჯებისათვის 1000 მ. და 4. პროვინციელ ინსპექტორთათვის საკანცელარიო და სხვა ხარჯებისათვის 8000 მანეთი.

ჩვენ ეს მუხლი ასე შეეცვალეთ.

12. გადაიდოს სახელმწიფოს ხაზინიდან სააქციზო უწყებისათვის თანახმად ამ კანონთან დართული შტატისა. 1918 წლის აგვისტოს პირველიდან წლის დამლევამდე სამას ოცდა ცხრაშემეტი ათას რუბლს ორიოცდა ხუთი (339845) მანეთი შემდეგი განაწილებით: 1. ჯამაგირისათვის—319745 მან. 2. ბინისათვის—2100, 3. საკანცელარიო და სხვა სამეურნეო ხარჯისათვის 1000 მ. და 4. პროვინციელი ინსპექტორთა საკანცელარიო და სხვა ხარჯებისათვის 8000 მანეთი.

ამ კანონს თან დართული აქვს შტატები, რომელნიც უკვე განხილული უახლავთ პარლამენტის მიერ. სარედაქციო კომისიისაგან არავითარი ცვლილებები არ არის შეტანილი. ამიტომ მე არ მოგახსენებთ იმას.

თავმჯდომარე. ვინ არის წინააღმდეგი ამ ცვლილებების? არავინ. მიღებულია. შემდეგი კანონ-პროექტი. მომხსენებელია კაკაბაძე.



განხილვა კანონ-პროექტისა საჩხერეში ცეცხლისაგან დაზარალებულთა დახმარების შესახებ.

ილია კაკაბაძე (ს.-რ.) ბატონებო! დიდი ხანი არ გასულა მას შემდეგ, რაც ბოლშევიკების სახით საჩხერეს და მის ახლო სოფლებს თავს დაატყდა უბედურება. მცხოვრებლებმა ნახეს აუარებელი ზარალი. შემდეგ ამისა, საუკეთესო ნაწილი საჩხერისა, ბაზარი, ცეცხლმა იმსხვერპლა, რამაც მიაყენა დიდი ზარალი იქაურ მცხოვრებლებს. საფინანსო კომისიის დავალებით, მე წავიდი იქ, ადგილობრივ უნდა გამომერკვია რა ზარალი მოუვიდა თვითეულ მათგანს. იქ როცა მივედი, ადგილობრივ გავიცანით დაწვრილებით ყველანაირი ზარალი. საბოლოოდ გამოირკვა, რომ 37 ოჯახი მთლად განადგურებული არის. მათ შორის არის 13 ვაჭრები, რომელთაც მოსამსახურეები ჰყავთ; 24 კი შენობის პატრონები და იქაური მოვაჭრეები. ზარალი, — დაზარალებულთა სიტყვით უდრის 8 მილიონ 700 ათას მანეთს, მაგრამ კომისიის და ჩემის გამოანგარიშებით უდრის ზარალი 7 მილიონს მეტს არა. როცა მე მოხსენება წარვუდგინე საფინანსო კომისიას, კომისია მივიდა იმ დასკვნამდე, რომ დახმარება აღმოუჩინოს იქაურ დაზარალებულთა 35—45 ათასით. ამ დადგენილებას იზიარებს ადგილობრივი თვითმართველობის კომისია.

ამგვრად, თუ ამ ფულით დახმარებას აღმოუჩენს პარლამენტი, ეს ფული უნდა გადაეცეს შორაპნის ერობას გასანაწილებლად დაზარალებულთა შორის. თუ ნებას მომცემთ წავიკითხავ ამ კანონ-პროექტს, რომელიც ერთ მუხლისაგან შესდგება (კითხულობს) გადაეცეს სახელმწიფო ხაზინიდან შორაპნის სამაზრო გამაგეობას 45,000 მანეთი საჩხერეში ცეცხლისაგან დაზარალებულ მცხოვრებთა და დაწესებულებათა დასახმარებლად. ამ დაწესებულებათა შორინ არის, როგორც თეატრი ისე სამკითხველო.

თავმჯდომარე ვის სურს სიტყვა? სიტყვა ეკუთვნის პარლამენტის წევრს ვეშაპელს.

გრიგოლ ვეშაპელი. ბატონებო, მომხსენებელმა აღნიშნა ზოგიერთი გარემოება. ამიტომ მე მინდა ერთ გარემოებას ხაზი გაუსვა.

საქმე იმაშია, რომ ეს კანონ-პროექტი ფინანსთა კომისიისა არის ერთგვარი დასკვნა ორი წინადადებისა. ერთი იყო გამოგზავნილი საჩხერიდან. დაზარალებულნი კომისიის სახელით სთხოვდნენ პარლამენტის პრეზიდიუმს, რომ ზომები მიეღოთ და დახმარება აღმოეჩინათ საკანონმდებლო საერთოდ პარლამენტის წესით საჩხერისთვის. მაშინ თქვენმა მორჩილმა მონამ შემოიტანა წინადადება და რადგანაც არ იყო გარკვეული ცნობები დაზარალებულთა შესახებ — ამიტომ დაახლოვესით დავსახელეთ და ზარალიც დასახმარებლად 100,000 მანეთი. დაახლოვესით დასახელება ემყარებოდა მარტო პრესაში გამოქვეყნებულ ცნობებს საჩხერის ცეცხლის შესახებ. ეს ცნობა იყო დაბეჭდილი არა მარტო ერთ მიმართულების გაზეთში, არამედ ყველა ქართულ გაზეთებში დაახლოვესით იყო 100,000 მანეთი დასახელებული.

ფინანსთა კომისიამ ვერ გადასწყვიტა ეს საკითხი, რადგანაც მაშინ არ იყო ოფიციალური, ადმინისტრატიული წესით მოგროვილი ცნობები. და ამ ერთი გარემოება არის აღსანიშნავი. რაც უნდა პატარა კუთხე იყოს საჩხერე ან მასთან სხვა კუთხეები, მაინც წინანდელ რუსეთის ორ გუბერნიის საზღვრებში და საერთოდ საქართველოს ტერიტორიაზე პროპორციით, ამისთანა კუთხეები ამისთანა დაბები, ამისთანა ცენტრები მაინც და მაინც ბევრი არ გვაქვს. ამისთვის საფიქრებელია, როდესაც ასეთი დიდი უბედურება ხდება ასე ადგი-



ლობრივად, იქნება ეს ცეცხლი, ან სხვა რომ ადმინისტრაცია მექანაღმადონა დაწყებული ქვედან, ქვედა საფეხურიდან და განაგებულ ზედა საფეხურამდის, თითონ უნდა იგებდეს იმას, თუ რა ხდება ამა თუ იმ ადგილას. ამ შემთხვევაში კი, და ალბად ისეთი შემთხვევები, რასაკვირველია, არ არის გამოჩენილი არამედ ეს არის ჩვეულებრივი მოვლენი, არც ადგილობრივ კომისრებს არც რაიონის კომისრებს, არც მაზრის კომისრებს, არც გუბერნიის კომისარს, რამდენიმე კვირის განმავლობაში, ცნობები არ ჰქონდათ იმის შესახებ, თუ რა მოხდა საჩხერეში.

თქვენ აქ მოგახსენათ ბატონმა მომხსენებელმა, რომელიც ფინანსთა კომისიამ გააგზავნა საჩხერეში, რომ რამდენიმე ათასს უდრის აქაური ზარალი. ვთქვათ მილიონი. ამისთანა მილიონები საქართველოში ბევრი არ არის, რომ ანგარიში არ გაუწიოთ. წარმოიდგინეთ, რომ ფინანსთა კომისიას არავითარი საშუალება არ ჰქონდა შეესრულებინა დადგენილება პარლამენტისა და განსაზღვრულ ვადისთვის გადაეწვიტა საკითხი დახმარებისა. მთავრობას არ ჰქონდა ოფიციალური ცნობები. თვით შინაგან საქმეთა სამინისტროს; ცენტრალურ ორგანოსაც კი არავითარი ცნობები არა ჰქონდა, და მგონი დღესაც არ აქვს, ან თუ აქვს, ყოველ შემთხვევაში, მიუხედავად იმისა, რომ საფინანსო კომისიამ საგანგებოდ მიმართა შინაგან საქმეთა მინისტრს ამ ცნობის შესახებ, ჯერ პასუხი არ მისვლია. მაზრის კომისარმა პირდაპირ უპასუხა შინაგან საქმეთა მინისტრის კანცელარიის გამგეს, რომ ჯერ (გასული იყო ორი კვირა), არავითარი ცნობა ამის შესახებ არ მაქვს ნამდვილი, და რომ შეცდომაში არ შეგიყვანოთ, გავგზავნი კაცს, და შევიტყობ ნამდვილად.

მართალია, ტელეფონი და ტელეგრაფი, იმ გეგმით, რომელიც არის დამტკიცებული შინაგან საქმეთა მინისტრისაგან, ჯერ არ არის მოწყობილი, მაგრამ რაც უნდა ყოფილიყო, ნო თუ არ არის საშუალება, რომ რაიონის კომისარი ატყობინებდეს მაზრის კომისარს, თუ რა ხდება მის ქვემდებარე ტერიტორიაზე, და მაზრის კომისარი თავის მხრივ ატყობანებდეს გუბერნიის კომისარს და გუბერნიის კომისარი ატყობინებდეს შინაგან საქმეთა მინისტრს. ეს გარემოება უსათუოდ აღსანიშნავი არის. მე ამით არ მინდა დაგაყვედრო შინაგან საქმეთა სამინისტროს კანცელარიის გამგეს, რადგან მათ რამდენჯერმე მიუწართავთ ამის შესახებ, მაგრამ პასუხი არ მიუღიათ. დასაყვედრებელია ის ჩვეულება, რომელიც დამყარდა ადგილობრივ, რომ თუ ზევიდან არ მოვიდა რამდენჯერმე რაიმე ბრძანება, ან რაიმე შეკითხვა ან საგანგებო კაცი არ ჩამოვიდა ტფილისიდან, ან ისეთი დიდი გაჭირვება არ მოხდა, ან დიდი ინიციატივის კაცი არ აღმოჩნდა, რომ კომიტეტი შეადგინოს თავის თავად,—შინაგან საქმეთა სამინისტროს და მთავრობას არა აქვთ მოწყობილი ისე საქმე, რომ თავის დროზე ეცნობოს ტფილისის მთავრობას, თუ სად რა ხდება.

შემდეგ, რაც შეეხება, თვით თანხას, უკვე მოგახსენეთ რომ ეს 100000 მანეთი იყო ნავარაუდები დაახლოვებით. ამ ცნობის შემდეგ, რომელიც ჩამოიტანა მომხსენებელმა საჩხერედან. შეიძლებოდა ეს თანხა დარჩენილიყო არა დაახლოვებით, არა ზეპირად, არამედ ფაქტიურად, იმიტომ, რომ 37 ოჯახი, რვეალად რომ ვთქვათ, 40 ოჯახი დარჩა პირდაპირ უსახლკაროდ. ლამების გათენება უხდებოდა საჩქაროდ მოწყობილ ქოხებში, დამწვარ ნანგრევებიდან გაკეთებულ ქოხებში. სანამდი ბინას გამოიჩენდნენ, სანამდის საქმეს გაიჩენდნენ დღევანდელ სიძვირის დროს სახელმწიფომ რომ ამ 100000 მანეთით დახმარება აღმოუჩინოს ეს არ იქნება არა ნორმალური ციფრა. მაგრამ ფინანსთა კო-



მისიამვე მიიღო ეს ციფრა იმიტომ, რომ ყველას მოგეხსენებათ მდგომარეობა ჩვენი ხაზინისა. კიდევაც რომ დაედგინა ფინანსთა კომისიას ეს 100000 მან. სულ ერთია, ფაქტობრივად ეს იქმნეოდა დაპირება მხოლოდ და ვერ ასრულდებოდა ცხოვრებაში.

მე თითონ, როგორც ავტორი ამ წინადადებისა, მე ვეთანხმები ფინანსთა კომისიას, რომ სწორედ ეს ციფრა 45000 მანეთი დარჩეს.

თავმჯდომარე. ვის ნებაგს სიტყვა? არავის. ვინ არის წინააღმდეგი, რომ გადავიდეთ მუხლობრივ განხილვაზე? არავინ. გთხოვთ წაიკითხოთ პირველი მუხლი.

მომხსენებელი. (კითხულობს პირველ მუხლს).

თავმჯდომარე. ვის ნებაგს სიტყვა? ვინ არის წინააღმდეგი? მუხლი მიღებულია.

უყრი კენჭს საერთოდ კანონ-პროექტს.

ვინ არის წინააღმდეგი? კანონ პროექტი მიღებულია და გადაეცემა სარედაქციო კომისიას.

შემდეგი კანონ-პროექტი სამთო სამართველოს განყოფილებაზე. სიტყვა ეკუთვნის იასონ ლორთქიფანიძეს!

სამთო-სამმართველოს დაარსების კანონ-პროექტი.

იასონ ლორთქიფანიძე. (ნ.-დ.) ბატონებო, მოგეხსენებათ, რომ ძველ რეჟიმის დროს, კავკასიაში არსებობდა კავკასიის სამთო სამართველოს განყოფილება, ე. ი. ოლქი. ამ ადგილობრივ დაწესებულებას, რასაკვირველია, არავითარი ინიციატივა საკანონმდებლო არ ჰქონდა. იგი აწარმოებდა თავის საქმიეებს იმ კანონით, რომელსაც ღებულობდა პეტროგრადიდან: ამიერ-კავკასიის რუსეთის შემადგენლობიდან გამოყოფის შემდეგ და მერმე, საქართველოს გამოყოფის შემდეგ, რასაკვირველია აღიძრა საკითხი, რომ ეს დაწესებულება გამხდარიყო სახელმწიფო დაწესებულებად. ჯერ კიდევ შვიდ მაისს ამიერ-კავკასიის სეიმმა დაამტკიცა ამგვარი კანონი. მაგრამ იგი, რასაკვირველია, განხორციელებული არ იყო, რადგან ორი, სამი კვირის შემდეგ მთელი ამიერ კავკასია გაიყო სამ რესპუბლიკად. თვით საქართველოს დამოუკიდებლობის დაარსებიდან საფინანსო და სავაჭრო სამინისტროს იმის ცდაში იყო, რომ ეს კანონ-პროექტი განხორციელებული ყოფილიყო იმის დაგვარად, რამდენადაც ეს შეეხებოდა საქართველოს რესპუბლიკას.

ამგვარად, ახალი მართებლობა წარმოადგენს არა ადგილობრივ დაწესებულებას, არამედ ცენტრალურ დაწესებულებას, სახელმწიფოებრივ დაწესებულებას, რომელსაც აქვს უფლება, როგორც კანონ-პროექტების ინიციატივისა, ასე კანონების განხორციელების და სხვა და სხვა განკარგულების გაცემისა.

ამის და მიხედვით შედგენილია შტატები ფინანსთა და ვაჭრობა-მრეწველობის მინისტრისაგან. უნდა მოგახსენოთ, რომ მიუხედავად იმისა, რომ ამ დაწესებულებას ახალი ფუნქციები ემატება, ხარჯი რომელსაც იწვევს ეს დაწესებულება ბევრად ნაკლებია იმაზე, რასაც ხაზინა იღებდა სამის სამართველოს ოლქის საქმისთვის. ესლანდელი ხარჯი ეს 64,775 მანეთი წლიურად, მაშინ როდესაც კავკასიის სამის სამართველოს ოლქისთვის იხარჯებოდა წლიურად გაცილებით სამჯერ მეტი. რასაკვირველია, შემცირება აიხსნება იმით, რომ საქართველო შეადგენს მესამედს ან მეოთხედ მთელ კავკასიისას.

რადგანაც არსდება სრულიად ახალი დაწესებულება იმიტომ, რასაკვირ-



ველია, ის ძველი კრედიტები, რომელიც იყო გახსნილი კავკასიის საოლქო მთო სამართველოსთვის უნდა დაიხუროს და უნდა გაიხსნას ახალი კრედიტები ამ ახალ დაწესებულებისთვის.

ძველ დაწესებულების გაუქმებას უნდა მოჰყვეს ლიკვიდაცია იმ საქმეებისა, რომელიც იყო კავკასიის სამთო სამართველოში და გადაცემა საქმეებისა სხვა ორ რესპუბლიკისადმი. ეს მოითხოვს, რასაკვირველია, თავის ხარჯს, რომელიც აქ ამ კანონ-პროექტში შეტანილია.

ხარჯს მოითხოვს აგრეთვე ის სალიკვიდაციო გასავალი, რომელიც საჭირო იქნება შტატ გარეშე დარჩენილ მოსამსახურეებისთვის.

ამნაირად ეს კანონ-პროექტი შეიცავს უპირველეს ყოვლისა ახალ დაწესებულების დაკანონებას, მეორე-იმ ხარჯთ-აღრიცხვას, რომელიც საჭიროა ახალი შტატებისა და ლიკვიდაციისათვის. ამისთანა ლიკვიდაცია იგულისხმება, როგორც საქმეებისა, ისე ძველ მოსამსახურეებისა.

აი ასე და ამგვარად გახლავთ ეს კანონ-პროექტი შედგენილი.

თავმჯდომარე. ვის ნებავს სიტყვა? ვინ არის წინააღმდეგი, რომ გადავიდეთ მუხლობრივ განხილვაზე? გთხოვთ წაიკითხოთ პირველი მუხლი.

იახონ ლორთქიფანიძე. (კითხულობს) 1. გაუქმებულ იქნეს კავკასიის სამთო სამართველო საქართველოს ტერიტორიაზე.

თავმჯდომარე. ვის სურს სიტყვა? ვინ არის წინააღმდეგი? მიღებულია.

იახონ ლორთქიფანიძე. (კითხულობს) 2. ყველა ზემოხსენებული სამართველოს (იხილე მუხ. I ამა კან.) მოხელენი რჩებიან შტატს გარეშე და მათ მიეცემა სალიკვიდაციო შემწეობა საერთო წესით, თუ ისინი ჩაირიცხებიან ახლად დაარსებულ სამთო სამართველოში.

თავმჯდომარე. ვის სურს სიტყვა? ვინ არის წინააღმდეგი? მიღებულია.

იახონ ლორთქიფანიძე. (კითხულობს) 3. დაარსდეს საქართველოს სამთო სამართველო, რომელიც დაექვემდებაროს ფინანსთა და ვაჭრობა მრეწველობის მინისტრს და ამ სამართველოს გადაეცეს მთელი ქონება რ საქმეები კავკასიის სამთო-სამართველოსი და დამტკიცებულ იქნეს ამ კანონთან დართული შტატები.

თავმჯდომარე. ვის სურს სიტყვა? ვინ არის წინააღმდეგი? მიღებულია.

იახონ ლორთქიფანიძე. (კითხულობს) 4. მიეცეს სახელმწიფო ხაზინიდან ახლად დაარსებულ სამთო-სამართველოს თანახმად ამ კანონთან დართულ შტატებისა და ხარჯთ-აღრიცხვისა ამა 1918 წლის პირველ სექტემბრიდან წლის დამლევამდე 91,775 მანეთი შემდეგი დანაწილებით: 1) შტატ გარეშე დარჩენილთა დასაკმაყოფილებლად სალიკვიდაციო შემწეობით 16,000 მანეთი; 2) სალიკვიდაციო კომისიის შესანახავად სამი თვის განმავლობაში 11,000 მანეთი და 3) ამ კანონთან დართულ შტატებისა და ხარჯთ-აღრიცხვისთვის 64,775 მანეთი.

თავმჯდომარე. ვის სურს სიტყვა? ვინ არის წინააღმდეგი? მიღებულია.

იახონ ლორთქიფანიძე. (კითხულობს) 5. კავკასიის სამთო-სამართველოს კრედიტი ამა წლის ხარჯთ-აღრიცხვისა პირად შემადგენლობისათვის დახურულ იქნას.

თავმჯდომარე. ვის სურს სიტყვა? ვინ არის წინააღმდეგი? მიღებულია.

იახონ ლორთქიფანიძე. (კითხულობს) 6. გადაეცეს ახლად დაარსებულ საქართველოს სამთო-სამართველოს განკარგულებაში ამ ჯამად დარჩენილ კავკასიის სამთო-სამართველოს სახელზე ყოველი ანგარიშები, როგორც არის: დეპოზიტები, ბეები, სპეციალი თანხები და სხვა.



თავმჯდომარე. ვის სურს სიტყვა? ვინ არის წინააღმდეგი? მიღებულია.

მომხსენებელი. (კითხულობს) **სამთო სამშართველოს შტატი. 1.** გამგე სამშართველოსი წლიური ჯამაგირი—12000 მ. სექტემბრის პირველიდან წლის დამლევამდე 4000 მანეთი.

ზოგიერთ მუხლის შესახებ არის ბატონებო ცალკე აზრი სახელმწიფო კონტროლიორისა, ამიტომ, როდესაც ამ მუხლებზე მივალთ წავიკითხავთ კონტროლიორის აზრს.

ინჟინერი მინდობილობისათვის 1—წლიური ჯამაგირი 9000 მ. სექტემბრის პირველიდან წლის დამლევამდე 3000 მან.

ინჟინერი მკვლევარი—წლიური ჯამაგირი 9600 მ.

ამაზე სახელმწიფო კონტროლიორი სწერს: (კითხულობს სახელმწიფო კონტროლიორის აზრს). (გაბაშვილი: რუსულად?) ეს გახლავთ დაწერილი კარგა ხანია. რუსულად გახლავთ დაწერილი იმიტომ, რომ კარგა ხნის ამბავია.

ამის შემდეგ ბატონებო, სამინისტრომ წარმოადგინა შემდეგი მოსაზრება: ინჟინერი, რომელიც ამხანაგობას გაუწევს გამგეს არის უბრალო ადმინისტრაციული პირი, რასაკვირველია ეს ინჟინერი იქნება, მაგრამ მეცნიერული მომზადება და ავტორიტეტი შეიძლება არ ჰქონდეს, როგორც იმ ინჟინერებს, რომელნიც იქნებიან მიწვეულნი მკვლევრებად. ასეთი ინჟინერები უსათუოდ უნდა იყვნენ დიდად ცნობილი მეცნიერებაში და მათ გამოკვლევას უნდა ჰქონდეს ავტორიტეტი, ამიტომ სამინისტრო და საფინანსო კომისია იმ აზრისაა, რომ ინჟინერ მკვლევარების გასამრჯელო ცოტა მეტი იყვეს, ვიდრე სხვა უბრალო ინჟინერებისა.

ქიმიკოსი—1. წლიური ჯამაგირი 9000 მან.

ამის შესახებ სახელმწიფო კონტროლიორი სწერს: (კითხულობს) ამის შესახებ სამინისტრომ წარმოადგინა შემდეგი განმარტება, რომელსაც ეთანხმება საფინანსო კომისია. რომ ერთი ქიმიკოსი უნდა იჯდეს მუდამ ტფილისში და არკვედეს, ეცნობოდეს იმ მასალებს, რომელთაც მოიტანენ ის ორი ინჟინერი, რომელიც გაბრძოლებულად იქნებიან გაგზავნილი. სამინისტრო ფიქრობს, რომ შეიძლება ერთი ინჟინერი იყვეს გაგზავნილი მასალების შესაკრებად და ადგილობრივ გასაცნობად ტერიტორიისა, და მეორე მხოლოდ იმის გამოსაკვლევად რასაც ის მოიტანს. ამიტომ ფაქტიურად იქ, სადაც ორი ინჟინერია საჭირო გამოკვლევისათვის, საჭიროა ერთი ქიმიკოსი ადგილობრივ იჯდეს ტფილისში და დაამთავროს ის, რასაც ისინი მიიტანენ და ამიტომ არის ქიმიკოსი დატოვებული.

მარკშიდერი—1. წლიური ჯამაგირი 7200 მან.

მდივანი—წლიური ჯამაგირი 8400 მან.

ამას ჰქვიან საზოგადოდ საქმის მწარმოებელი. ამაზე სახელმწიფო კონტროლიორი სწერს: (კითხულობს) საფინანსო კომისიის და სამინისტროს აზრით, რომ მართლა არ იყვეს რაიმე გაუგებრობა, საქმის მწარმოებელს დაერქვას სახელად არა საქმის მწარმოებელი, არამედ მდივანი. რასაკვირველია, არსებითად დიდი განსხვავებაა მდივანის და საქმის მწარმოებელის შორის, საზოგადოდ სხვა უწყებებში. აქ მდივანი არის იგივე იურისკონსულტი და ამას უფრო მეტი საქმე აბარია, ვიდრე სხვა უწყებებში. ამიტომ სამინისტრო იმ აზრისა არის, რომ დაერქვას მას სახელად მდივანი და არა საქმის მწარმოებელი და დაენიშნოს წლიურად 8400 მანეთი.

მდივნის თანაშემწე—1. წლიური ჯამაგირი 7200 მან.

უმცროსი თანაშემწე—1. წლიური ჯამაგირი 6000 მანეთი.



ჟურნალისტი და ეკზეკუტორი 1. წლიური ჯამაგირი 5400 მ.
 მანქანით გადამწერი 3. წლიური ჯამაგირი თვითეულს 4800 მან.
 ჩათახის ქარხნის დარაჯი 2. წლიური ჯამაგირი 3000 მან.
 სამართველოს მსახური 2. წლიური ჯამაგირი თვითეულს 3000 მან.
 საოლქო ინჟენერი—2. წლიური ჯამაგირი თვითეულს 9000 მან.
 შტეიგერი 4. წლიური ჯამაგირი თვითეულს 6000 მანეთი.
 შტეიგერებზე ბ. კონტროლიორი სწერს შემდეგს: (კითხულობს)
 სამინისტროს განმარტებით მართო ქიათურაში, ძველ რეჟიმის დროს, ყოფილა ექვსი შტეიგერი. აქ, როგორც ტყვიბულში ოთხი არის განზრახული. სამინისტრო ფიქრობს, რომ უსათუოდ სპიროა შტეიგერის შოვალეობა.
 საფინანსო კომისია დაეთანხმა იმას, რომ ეს ოთხი კაცი დატოვებული ყოფილიყო.

ეს გახლდათ შტატები.

ეხლა დამატება. (კითხულობს) დაშატება. 1. ბინისათვის გათბობა განათებითურთ წლიურად 5700 მ. სექტემბრის პირველიდან წლის დამლევამდე 1900 მან.

2. საკანცელარო და სასტამბო წლიურად 10000 მ. სექტემბრის პირველიდან წლის დამლევამდე 3350 მ.

3. ლაბორატორიისათვის წლიურად 2000 მ. სექტემბრის პირველიდან წლის დამლევამდე 670 მ.

4. საგზაო წლიურად 4000 მ. სექტემბრის პირველიდან წლის დამლევამდე 1350 მ.

5. გამგის განკარგულებაში 3100 მ. სექტემბრის პირველიდან წლის დამლევამდე 1035 მ.

6. საკანცელარიო საოლქო ინჟენერის განკარგულებაში წლიურად 3000 მ. სექტემბრის პირველიდან წლის დამლევამდე 1000 მ.

7. საგზაო და სხვა წლიურად 5000 მ. სექტემბრის პირველიდან წლის დამლევამდე 1670 მ.

სულ წლიურად 194200 მ. წლის დამლევამდე 64775 მ.

თავშჯდომარე. ვინ არის წინააღმდეგი საერთოდ ამ კანონ-პროექტისა? კანონ-პროექტი მიღებულია. შემდეგი კანონ პროექტი. მომხსენებელია პარლამენტის წევრი ლეო ნათაძე.

კანონ-პროექტი საღვთო სჯულის გაუქმებისა.

ლეო ნათაძე. (ს.-დ.) შეიძლება სხვა და სხვა აზრისა ვიყვეთ სარწმუნოების შესახებ, საზოგადოდ ერთი იტყვიან, რომ ამ სარწმუნოებას და მის გავრცელება-გაღრმავებას ხალხის გულში დიდი მნიშვნელობა აქვს. მეორენი იტყვიან იმას, რაც სთქვა მარქსმა, რომ სარწმუნოება არის ოპიუმი, რომელიც ხალხის გონებას აბნელებს. ამ სარწმუნოების მოსპობა სპირო [არის იმისთვის, რომ ხალხმა პირი ჰქნას საამქვეყნო ბედნიერებისკენ, და საიმქვეყნო ბედნიერებაზე ხელი აიღოს. მაგრამ რა აზრისაც უნდა ვიყვნეთ სარწმუნოების შესახებ ადამიანის ცხოვრებაში, ჩვენ ამ საკითხს უნდა შევხვდეთ სულ სხვა მხრივ. ეს რასაკვირველია, შეადგენს სამეცნიერო და არა პოლიტიკურ საგანს. პარლამენტმა ამ საგანს უნდა შეხედოს, ჯერ ერთი, პოლიტიკურს და მეორეთ პედაგოგიური მხრივ, რადგანაც ეს სასწავლებელი საგანია. თუ ამ მხრივ შევხედავთ ამ საკითხს, ჩვენ უნდა მოვიფიქროთ, რომ ძნელად მოიპოვება ისეთი დაქვეითე-



ბული პარტია, რომელსაც პროგრამაში შეჯანილი არ ჰქონდეს პუნქტი სინი-
დისის თავისუფლების შესახებ. ამ პარლამენტში მაინც და მაინც არ იქნება
და არც არის არც ერთი პარტია, რომელსაც არ ჰქონდეს ესეთი პუნქტი შე-
ტანილი თავის პროგრამაში. რასაკვირველია, პროგრამა ხშირად იწერება, რომ
არ იქნეს შესრულებული. ეს ძალიან ხშირად ხდება ამ ბოლო დროს, მაგრამ,
მაინც პროგრამა პარტიას აკავებს. თუ ჩვენ მივიღებთ სინიდისის თავისუფლე-
ბის პრინციპს, ამ პრინციპის განხორციელება შეიძლება მხოლოდ ერთი გზით.
იმ გზით, რომ ეკლესია განკერძოებული, გამოყოფილი იყოს სახელმწიფოდან.
რა აზრისაც უნდა ვიყენებთ სარწმუნოებაზე, ან ეკლესიის განკერძოების შესა-
ხებ, მე მგონია, რომ კეთილსინდისიერი ადამიანი ერთ და იმავე დასკვნამდე
უნდა მივიდეს. მე მგონია, რომ არც ერთი ნამდვილი მორწმუნე ადამიანი, რა
სარწმუნოებისაც ის არ უნდა იყვეს, არ იზამს იმას, რომ მისი სარწმუნოება
სხვის ხარჯზე იყოს შენახული. დაგვეთანხმეთ, რომ ხალხში არის—მორწმუნეც
და ურწმუნოც, არის ერთი სირწმუნოების მიმდევარი, მეორე სარწმუნოების
მიმდევარიც და რასაკვირველია, არ შეიძლება, რომ მორწმუნემ თავისი სარ-
წმუნოება გააერთილოს ურწმუნოთა ხარჯზე და თუ სახელმწიფო გადიხდის
ხარჯს სამღვდელთა შესანახად, ეს იმას უდრის, რომ ურწმუნოთა ხარჯზე
შეინახება მორწმუნე სამღვდელთა, რომელიც მორწმუნეთა საქმეს ემსახურება.
ეს ერთი დებულება.

რა ნაირად უნდა განვხორციელოთ, და რამდენად უნდა გავიყვანოთ
პროგრამაში ეს პრინციპი, —სარწმუნოების, ეკლესიის განკერძოება სახელმწი-
ფოდან? ერთი ნაბიჯი, ერთი აუცილებელი ნაბიჯი ამ განკერძოებისკენ იმაში
მდგომარეობს, რომ ჩვენ უნდა სასწავლებლებიდან გამოიყვანოთ, და გამოვდევ-
ნოთ სამღვთო სჯულის სწავლება. ეს ისევე იმნაირ პრობლემას წარმოადგენს:
თუ ამ სასწავლებლებში სარწმუნოებას ასწავლიან, ეს იმას ნიშნავს, რომ სა-
ხელმწიფო ურწმუნოებთ ახდევინებს ხარჯს, გადასახადს, რომ ამ ფულით შეი-
ნახოს ის მასწავლებლები, რომელიც სარწმუნოებას ასწავლიან სკოლაში. რასა-
კვირველია, თუ ერთი დებულება მივიღებთ, თუ მივიღებთ, რომ ეკლესია გამო-
კერძოებული უნდა იყოს სახელმწიფოდან, ისიც უნდა მივიღოთ, რომ სახელმ-
წიფო, საზოგადო სასწავლებლებში არ უნდა ასწავლიდეს იძულებით სამღვთო
სჯულს, და სახელმწიფო, თავის ხარჯზე სარწმუნოების მასწავლებელს არ უნდა
ინახავდეს.

მიაქციეთ მთავარი ყურადღება კანონ-პროექტის ერთ მუხლს. ეს მუხლი
არის ნ—ნ. ამ მუხლში ერთნაირი კომპრომისი არის. თუმცა საზოგადოთ მიღე-
ბული არის დებულება, რომ ამ დებულებით, სამღვთო სჯული მთლიანად გა-
მორიცხული უნდა იყოს, მაგრამ, მუსულმანების შესახებ ერთნაირი გა-
მონაკლისი დაშვებულია. მუსულმანების შესახებ ეს გამონაკლისი ბევრი
მოსაზრების გამო, არის დავებული. კომისიამ ძალიან ბევრი მსჯელობა იქო-
ნია ამ საგანზე მუსულმანების წარიმადგენელთან, ბევრი იმსჯელა, და ბო-
ლოს მაინც მივიდა იმ დასკვნაზე, რომ მუსულმანებთა სასწავლებლებში რა-
საკვირველია, საქიროა დაცული იყოს სამღვთო სჯულის სწავლა. სამი უნდაგ-
რესი მოსაზრებით ხელმძღვანელობდა კომისია. ერთი მოსაზრება უფრო პო-
ლიტიკურ ხასიათისა არის. ეს პოლიტიკურ ხასიათის მოსაზრება ასეთი ვაბ-
ლავს: ჩვენ იმედი გვაქვს რომ აქარა და ქართველი-მუსულმანებთა დასახლე-
ბული რაიონები, ადრე თუ გვიან, უნდა შემოუერთდეს ჩვენ ქვეყანას და ჩვენ



ძალიან გვეზინიან, რომ მთელი ის აგიტაცია, რომელიც ქართველ-მუსულმანებს აწოდებდა ქართველ ქრისტიანებისაგან, რომელიც ერთნაირ უფსკრულს ბადებს მათ შორის,—ეს აგიტაცია დამყარებულია იმაზე, რომ ქართველებს უნდათ თავის ძმებს, ქართველ მუსულმანებს, წაართვან და მოსპონ სარწმუნოება ჩვენ რომ დაგვეშვა ეს გამონაკლისი მუსულმანებისთვის, მაშინ ისე, გამოვიდოდა, რომ იმათ ექნებოდათ ერთნაირი რაიმე საბუთი, რომ ამ აგიტატორებს ეთქვათ, რომ წინეთ ასწავლიდნენ სამღვთო სჯულს და ახლა კი არ ასწავლიან მაშასადამე, მართალია რომ თქვენ სარწმუნოებას, მუსულმანთა სარწმუნოებას მოელის ერთნაირი საფრთხე იმ შემთხვევაში, თუ თქვენ შეუერთდებით საქართველოს.

ეს ერთი მოსაზრება.

მეორე მოსაზრება იმაში მდგომარეობას, რომ ამ ცოტა ხანში ჩვენ აზრად გვაქვს შემოვიდოთ საყოველთაო განათლება, და ჩვენ ძალიან გვეზინიან, რომ ამ საყოველთაო განათლების გატარების დროს მუსულმანთა მასსა არ გავაფრთხიოთ სკოლიდან. შენიშნული არის, რომ სკოლა სუსულმანთა ბავშვებს იმით იზიდავდა, რომ ამ სკოლებში აქამდის ასწავლიდნენ საღმთო სჯულს, რასაკვირველია, ეს სამწუხარო მოვლენა არის. ჩვენ იმედი გვაქვს, რომ ეს მოვლენა დროებითი მოვლენა იქნება. მაგრამ, ეს კომპრომისი კომისიის აზრით, საჭირო იყო. მეორე მოსაზრება, ის მოსაზრება, რომელიც ჩვენ გვაძიქვს, რომ ეს კომპრომისი დაუშვათ, არის ის, რომელზედაც 5 მუხლში არის ნათქვამი, რომ სარწმუნოებას, კი არ ასწავლიან,—„შარიატი“ უნდა ასწავლონო. სარწმუნოებისა და შარიატის შორის არის, რასაკვირველია, განსხვავება. საღმთო სჯული უფრო დიდი მცნება არის, ვიდრე შარიატი. შარიატი არის სარწმუნოების ნაწილი. შარიატი მარტო იმას კი არ ეხება, თუ რა ურთიერთობა უნდა არსებობდეს ღმერთსა და კაცის შორის. შარიატი ეხება იმას, თუ რა ურთიერთობა უნდა იყოს, საზოგადოთ, თვით საზოგადოებაში; შარიატი შეიცავს ბევრს იმისთანა კანონებს, და ისეთ წესებს, რომელნიც განსაზღვრავენ, მაგალითად, ცოლის და ქმარის ურთიერთობას, მშობლებისა და შვილების შორის; საერთოთ ბევრ იმისთანა რასმეს შეიცავს შარიატი, რომელიც შეეხება უფრო ადამებს, ვიდრე ურთიერთობას ღმერთსა და კაცის შორის, შარიატი რომ წაართვათ მუსულმანებს, იმის მაგივრად ვალდებულნი ვართ ახალი რამ მივცეთ. უმაგისოთ შარიატის წართმევა არ შეიძლება, შარიატის მაგივრად ცარიელი ადგილი დარჩება მუსულმანების ცხოვრებაში.

აი, ამ მოსაზრებით საჭირო იყო ამ კომპრომისის დაშვება. ერთი მოსაზრება მდგომარეობს იმაში, რომ მარტო იმ სკოლებში არის განსაკუთრებით შარიატის სწავლება დარჩენილი, სადაც მხოლოდ მუსლიმანთა ბავშვები არიან. არის დაწესებული აგრეთვე შერეული სკოლები, სადაც სწავლობენ მუსულმანები, და არა მუსულმანები. აი აქ სამხთო სჯულს არ ასწავლიან. არც ერთი საშუალო სასწავლებელი კერძო მუსულმანების არ იქნება და მაშინ მხოლოდ დაბალ სასწავლებელში იქნება შარიატის სწავლება. აი ამ მოსაზრებით, ჩვენ დავტოვებთ შარიატის სწავლას. ეს გახლავთ პოლიტიკურის მხრივ.

რაც შეეხება სამხთო სჯულის გაუქმებას, თუ პედაგოგიურ თვალსაზრისით შეგხედავთ ამ საკითხს, მაშინ ყველა დამეთანხმება, რომ სამხთო სჯულის სწავლა, იმ სახით, როგორც აქამდის სწავლობდნენ ყოველად დაუშვებელია. იმიტომ, რომ სამხთო სჯულის სწავლა წარმოადგენს უმცროს კლასებში ლოცვების გაზეპირებით სწავლას იმ ენაზე, რომელიც ბავშვებს არ ესმით. აქამდის რუსულ ენაზე ასწავლიდნენ, მაგრამ, ქართულ ენაზედაც, რომ ასწავლონ ბავ-



შეგებს, მაინც და მაინც ის იმათ გონებას არაფერს შეჰმატებს, რადგანაც ლოცვაში იმისთანა მცენება არის, იმისთანა აზრი, და ისეთი იდეა გატარებული, რომელსაც ბავშვი თავის დღეში ვერ შეითვისებს* და პედაგოგიურის მხრივ, სრულიად დაუშვებელია ლოცვის გარდა, თუ სამხთო სჯულის სწავლას მიაქცევთ ყურადღებას, დაინახავდით, რომ რომელიმე კლასის პროგრამაც რომ აიღოთ, ყოველივე ამ პროგრამაში სარწმუნოების სწავლა არ შეიცავს იმისთანა ლოცვას, რომელიც ბავშვის გონებამ შეითვისოს. ბევრი იმისთანა პრობლემა არის დაბალ კლასებში, რომელსაც ბავშვის გონება სრულიად ვერ მოერევა. რასაკვირველია ამისათვის ყოველ აღამიანს დასჭირდება ესა თუ ის განათლება. თუნდაც მაგალითად, საქართველოს ეკლესიის ისტორია. მაგრამ, ჩვენი ქართული ეკლესიის ისტორია, ჩვენის აზრით, უნდა შედიოდეს არა სამხთო სჯულის სწავლაში, არამედ, პირდაპირ ისტორიის სწავლაში. ბევრი იმისთანა საგანი შედის სამხთო სჯულის სწავლაში, რომელიც ენება ფილოსოფიას, ეს საგანი ფილოსოფიის თარგუმებში უფრო შედის, ვიდრე სამხთო სჯულის სწავლაში. თვით სწავლება სამხთო სჯულისა იმ სახით სწარმოებდა აქამდის, რომ ეს სწავლა სწორედ ეწინააღმდეგება თანამედროვე სამეცნიერო დებულებებს. თქვენ ამის განმარტება, მე მგონია, არ დაგჭირდებათ. იცით როგორ ასწავლიან სამხთო სჯულს; მაგალითად, აღამიანის წარმოშობა, ქვეყნის გაჩენის შესახებ, და ბევრი სხვა-ბავშვის გონებაში ჰადებს ერთნაირ არე-დარევას. ბუნებრივ მეტყველობა ასწავლის ერთ რასმეს,—სამხთო სჯული—მეორეს. ყველა ამ მოსაზრებით, რომ პედაგოგიურ დარგში მეტის მეტი არე-დარევა, მეტის-მეტი „სუბმური“, ასე ვთქვათ, არ შევიტანოთ, ამ მოსაზრებით ხელმძღვანელობდა კომისია, როდესაც შეადგინა კანონ-პროექტი და ამ მოსაზრების გამო, გთხოვთ, რომ მიიღოთ და მუხლობრივ განხილვაზე გადავიდეთ.

დოლიძე. (ს.დ.) ბატონებო, სოც.-დემ. ფრაქცია მხარს უჭერს ამ კანონ-პროექტს და ფიქრობს, რომ სხვა ფრივადაც არ შეიძლებოდა. საღვთო სჯული დიდი ხანია ხელს უშლის არა მარტო სოციალიზმის უბრალო განმათავის. მოძრაობასაც. სარწმუნოებით დიდი ხანია სარგებლობდა ჩვენი მტერი, რომ მასა, შეუგნებელი მასა ხელში ჰყოლოდა და ამნაირად არ მიეცა საშუალება განთავისუფლებულიყო და მოძრაობა წინ წაეწია. ამ მოსაზრებით სოც.-დემოკრატია არა მარტო მხარს უჭერს, არამედ სიამოვნები ეგებება ამ კანონ-პროექტს. მხოლოდ ერთ, თუ შეიძლება აგრე ითქვას, ულოლიკობას ჩვენ ვხედავთ ამ კანონ-პროექტში. ჩვენ ვსპობთ საღვთო სჯულის სწავლას და ამავე დროს ვტოვებთ რაღაც შარიათის სწავლას მუსულმანებში და მუსულმანებთა სასწავლებლებში. დაწვრილებით, შარიათის შესახებ მოგახსენებთ, მაშინ, როცა მუხლობრივ განხილვაზე გადავალთ. მაგრამ ვიმეორებ, ყოველად შეუძლებელია, რომ თუ კი ჩვენ არც ერისთვის, არც სარწმუნოებისთვის უხერხულად ვცანით და საქართველოს საზღვრებში სარწმუნოების სწავლა არ იქნება, ის უნდა ვრცელდებოდეს სუყველა ერებზე. ამიტომ, როგორც მოგახსენებთ, სოციალ-დემოკრ. მხარს უჭერს კანონ-პროექტს. მხოლოდ ის მოეხრე არის, რომ მე-5—6 მუხლები, რომლებიც შეეხებიან მუსულმანების სკოლებში შარიათის სწავლის დატოვებას,—ამოიშალოს. ამაზე მოგახსენებთ მაშინ: როდესაც გადავალთ მუხლობრივ განხილვაზე (ხმა: მუსულმანი ხომ არ ბრძანდებოდა?)

თაგმაჯღალმარე. პარლამენტის წევრი აფხაზი.

კონხტ. აფხაზი. (დამოუკ. კავშ.) წარმოდგენილი, ბატონებო, თქვენს წინაშე კანონ-პროექტი სპობს საღვთო სჯულის სწავლას სკოლებში, მხოლოდ იმ წესით, იმ რიგით, რომელიც ჩვენთვის სრულიად მიუღებელია.



რასაკვირველია, არ შევეცდები აქ დავიცვა ქრისტიანობის მოძღვრება როგორც სავალდებულო. მაგრამ ჩვენთვის ერთი ჭეშმარიტება არის ამ მოძღვრებაში, — რომ ქრისტიანულ სარწმუნოებას ჩამოვართვით სასწაულთა მოქმედებებ და ზოგიერთი მოციქულთა ეპისტოლეები, დარჩება წმინდა, მორალური, მაღალი სწავლა. ჩვენც ვიცით, მეც ესე მოგახსენებთ და აი, ჩვენ, როგორც ქრისტიან ადამიანებს მხოლოდ ეს მიგვაჩნია ძვირფას საუნჯეთ. მართლაც, განა ძმობა და ერთობა ეს ქრისტიანულ მოძღვრების ცნება არ არის? განა უსაზღვრო სიყვარული მოყვასისადმი რა არის? განა ეს ქრისტიანული ცნება არ არის? განა ხალხისთვის თავის დადებას და ხალხისათვის სამსახურს, — ქრისტიანობა არ გვიკარნახებს? და აი ეს უნდა მივიღოთ მხედველობაში, ბატონებო და წარმოდგინოთ ის მდგომარეობა, ზნეობრივი და ფსიქოლოგიური, რომელიც არსებობს დღეს ჩვენს ერში. ჩვენ ძალიან კარგად ვიცით, რომ ამ მსოფლიო ომმა და შემდეგ იმ ანარქიამ, რომელიც მოხდა ჩვენ ქვეყანაში და თითქმის ყველგან, ამ ანარქიამ ძირს დასცა. ზნეობრივი მხარე ერისა. ო აი, ამ მხარეს მოვლა ო პატრონობა უნდა ისეთივე, როგორც სხვა ყველა მხარეს სახელმწიფოსას. სახელმწიფო მოვალეა ამას ყურადღება მიაქციოს.

სინიღისი, რასაკვირველია, თავისუფალი უნდა იყოს, მაგრამ ნუ დავივიწყებთ, რომ სინიღისი არის წყარო ყოველივე ზნეობრივი მოძრაობისა. და ის დიდ გავლენას ახდენს ადამიანის მოქმედებაზე, ყოფა-ქცევაზე და სხვა. მართლა რომ, თუ კი ადამიანის მოქმედებას, ადამიანის ენებას არ უხელმძღვანელებს რაიმე ზნეობრივი გრძობა, რას დავმსგავსებთ ადამიანის მოქმედება? ეს ხომ იცით, რომ ველურ ადამიანს, რომელმაც არ იცის რა არის სინიღისი, თუ რაიმე სურვილი დაებადა გულში, რა პირობებიც უნდა იყოს იმის გარშემო, იმ პირობების მიუხედავად, ის თავის სურვილს ასრულებს. სინიღისი ისეთი მაღლი არის, უზენაესი მაღლი ურომლისოდაც, როგორც მოგახსენეთ, კაცი ადამიანის სახეს ჰკარგავს. მაშასადამე, ბატონებო, მოგახსენებთ, ამ მხარეს დიდი მოვლა უნდა სახელმწიფოსაგან. და ამა მე ხაზს ვუსვამ, რომ დღევანდელ პირობებში სწორედ სახელმწიფომ უნდა დიდი ყურადღება მიაქციოს, რომ ეს ზნეობ ხალხს დაუბრუნოს და უფრო მაღლა ასწიოს, ვიდრე ის დღეს სდგას.

რა მიზანი აქვს იმას, ბატონებო, რომ ჩვენ პირველ დაწყებითი სწავლას სავალდებულოდ ვზდით ხალხისათვის — თქვენ კარგად მოგეხსენებათ. ჩვენ გვსურს, ანუ სახელმწიფოს სურს, რომ, როდესაც ყმაწვილი წარმოიზდება, ის იყოს საკმარისად განვითარებული, საკმარისად აღზრდილი ზნეობრივად, რომ ცხოვრებაში შევიდეს და მოიხმაროს თავის ქუჭა, გონება და ღონე სახელმწიფოსა და ხალხის სამსახურისთვის. სავალდებულო რად არის ეს? აი რად არის სავალდებულო. ევროპა, არა მარტო სავალდებულოდ ხდის იმას, არამედ, მშობლებს სჯის კიდევ კანონით. სწავლა მოსწავლესთვის, ეს ერთად-ერთი მიზანი არ არის, ბატონებო. თუნდაც აღჭურვილი უნდა შევიდეს ადამიანი ცხოვრებაში, განა ზნეობრივი მხრით არ უნდა განვითარდეს? არ უნდა ჩაინერგოს ყმაწვილმა გულში, რომ მართლა ცხოვრებაში მის ქცევამ ადამიანური ხასიათი მიიღოს? და რა საშუალება გახლავთ ამის ცხოვრებაში გასატარებლად? დღესდღეობით, საზოგადოდ რა საშუალება უჭირავს ხელში, რომ ზნეობრივად განვითარდეს ხალხი? სამგვარი საშუალება არის, ჩემის აზრით. ერთი გახლავთ ჯერ ოჯახი, მეორე არის ეკლესია და მესამე სკოლა. ავიღოთ ოჯახი. მომიტევეთ კი, ბატონებო, მაგრამ უნდა მოგახსენოთ, რომ ჩვენ, ინტელიგენტურ ოჯახშიაც კი ზნეობრივი აღზრდა სრულიად არ სწარმოებს; მაინც იმრიგად, რა რიგადაც ეს ჩვენ ვიცით ინგლისში და გერმანიაში. ჩვენ ინტელიგენტის ოჯახ-



ში რას ასწავლიან თავის შვილებს? ყოფა-ქცევას, მისვლა-მოსვლას, მიდგომა მოდგომას, ადგილის დათმობას, ჭეშმარიტებას. აი ასე თავდება ზნეობრივი განვითარება ინტელიგენტის ოჯახში. ისე რომ, ამ მხრივ ჩვენ არაფერს არ უნდა მოველოდეთ ამ ცოტა ხანში მაინც. ავიღოთ გლეხელების ოჯახი. აქ ვინ სთესავს ადამიანობას, კულტურას და ზნეობას? ხომ მოგვხსენებთ, რომ იგი სრულიად არ არის ამ მხრივ აღზრდილი. მხოლოდ ის ერთი რამ არის აქ, რომ ნათესაობრივი გრძნობა უკრძალავს, რომ ძმამ და არ შეერთოს. აი ამით იწყობა და თავდება ზნეობრივი განვითარება. ესე რომ, ამ მხრივ, ჩემის აზრით, აქაც ზნეობა უნდა დავიცვათ. ეკლესია? მაგრამ, აბა ამ კათედრიდან რა ვაკადრო ეკლესიას. ეკლესია 100 წლობით მკვდარი იყო და ჩვენდა საუბედუროდ, არც დღეს აღსდგა მოღვაწეობისათვის. თავის დადება ვერ გაბედა ჩვენ სამღვდელეობებამ. აი, როდესაც ასეთი ანარქია სუფევდა, ჩვენ ვნახეთ, რომ ისენი კარჩაკეტილნი იყვნენ, თითქოს იმათ არაფერი არ შეეხებათო. ჩვენი სამღვდელეობის წოდება არავითარი მოქალაქეობრივი გრძნობით არ იყო შემკული, და იმიტომ ვერც სიმპატია, და ვერავითარი კაი განწყობილება სოფლათ ვერ მოუპოვებია. და ვიდრე ჩვენი ეკლესია ღრმა ძირითადი რეფორმას არ მოახდენს ამ მხრივ, ის ისევ ის დარჩება, როგორც დღემდის იყო. აქედანაც საიმედო არა არის რა, რომ ხალხის ზნეობა მაღლა აიწივს.

დარჩა ერთად ერთი სკოლა. და აი ამ სკოლაშიაც უნდა მოვსპოთ ეს მოძღვრება, ეს მორალის სწავლა. ვთქვათ, რომ მართლა ქრისტიანულ მოძღვრებებამ, ქრისტიანულმა სარწმუნოებებამ თავისი მოვალეობა მოიხადა კაცობრიობის წინ, თავისი ჟამი მოიჭამა, და ეს უნდა ეხლა მოისპოს. მაგრამ, ეხლა გეკითხებით, უბრალო ადამიანის გულში და სულში, სარწმუნოებას რომ ვართმევთ, რაღა უნდა დარჩეს სამაგიეროთ? რა უნდა დარჩეს? რას ვაძლევთ. ჩვენმა ინტელიგენტებმა კულტურით, ცივილიზაციით, და სხვა და სხვა რანეთი მაინც ამოივსო გონება. მაგრამ, ამათ ვულში რომ მართლა ფუტურო უნდა დარჩეს. როდესაც ამას ახდენდნენ ევროპაში, იქ ვიდრე მოსპეს სამღვდლო სჯულის სწავლა, შემოიღეს მორალის სწავლა, არა თუ ევროპაში, არამედ იაპონიაში. თუ კი ჩვენი განათლების სამინისტრო ამ ასკითხს ასე დააკვირდება და შეიმუშავებს და სკოლაში გახდის სავალდებულოთ, განსაკუთრებულ საგნათ მორალის სწავლას,—მაშინ, რასაკვირველია, ჩვენ უნდა მართლაც მოვსპოთ სამხეთ სჯულის სწავლაც.

მეორე მხრივ მივქცევ თქვენს ყურადღებას ტექსტის შინაარსს. ამაზე უკვე იყო მიტყეული ყურადღება. მუსულმანების საკითხი? ბატონებო, რით იჭრება ეს საკითხი. იმ მოსაზრებებამ, რომელზედაც მომხსენებელმა მოგახსენათ, ამ მოსაზრებებამ ვერ დამაკმაყოფილა. განა თუ კი ჩვენთვის სავალდებულოა არ არის, თუ კი ხაზინა, ჩვენი სახელმწიფო მართლმადიდებლებისათვის [და ქრისტიანულ სარწმუნოებისათვის არ გამოიღებს ფულს, რათ უნდა ვაკადროთ ჩვენ ეს მუსულმანებს. თუ კი ქრისტიანული მშობლები, რომლებიც მოისურვებენ თავის ხარჯზე მიიღონ ეს და მოისურვებენ სამხეთ სჯული ასწავლონ სკოლაში, რატომ მუსულმანებს არ შეუძლიან მიიღონ ეს თავიანთ ხარჯზე. ეს რა ქველმოქმედებაა, რა გაბოძებაა? მე ვფიქრობ, რომ ყოველი ქრისტიანი ისევ უნდა იყოს ამ კანონში მოხსენებული, ესეთივე მოვალეობა უნდა ჰქონდეს როგორც მუსულმანებს, და იმიტომ ჩემთვის სრულიად მიუღებელია ის ტექსტი, რომელიც არის ამ კანონით გამოსახული. მე მოგახსენეთ, ბატონებო, რომ სახელმწიფო მოვალე არის, რომ დღეს დღეობით თავის ხარჯზე აწარმოოს



სწავლა სამღვთო სჯულის, და აი ამ მოსაზრებით, მე როგორც მოგახსენებთ, შე-
მომაქვს შემდეგი წინადადება ამ კანონ პროექტის შესახებ.

ეს კანონი უნდა იყოს გამოსახული 2 მუხლში. პირველი შემდეგია: 1. არც
ერთს (სასწავლებელში სამღვთო სჯულის სწავლა სავალდებულო არ არის. 2.
ხოლო თუ მშობლები მოისურვებენ ბავშვებისათვის სამღვთო სჯულის სწავლე-
ბას, სახელმწიფო მოვალეა ამისათვის საჭირო ბარჯი გაიღოს.

ესე იგი ეს სულ ერთია რა სარწმუნოება იქნება სასწავლებლებში, მუ-
სულმანიების იქნება თუ ქრისტიანების. ყველა ერთნაირი უნდა იყოს ამ სას-
წავლებელში, და ამიტომ, ყველას საერთოდ რაც ხარჯი დასჭირდება, სახელმ-
წიფომ უნდა გადაიხადოს. ეს რაც შეეხება წარმოდგენილ კანონ-პროექტს.

სხვათა შორის, მე მივმართავ პარლამენტს, რომ განოსტქვას სურვილი.
რათა განათლების სამინისტრომ მიიღოს საჭირო ზოგები საქართველოს სკო-
ლებში მორალის სწავლების შემოღებისათვის.

თავმჯდომარე. სიტყვა ეკუთვნის განათლების მინისტრს.

განათლების მინისტრა გიორგი ლასხიშვილი. ბატონებო! როდესაც სა-
ოსტატო სემინარიებს და ინსტიტუტების შესახებ კანონ-პროექტს იხილავდ-
პარლამენტი, მაშინ შემთხვევა ჰქონდა განათლების სამინისტროს წარმომადგე-
ნელს გამოეთქვა თავისი აზრი ამ საკითხის შესახებ. ეხლაც ვიმეორებ, რომ
არც მთავრობას და არც კერძოდ უწყებას არაფერი საწინააღმდეგო არა აქვს
პრინციპიალურად ამ საკითხის წამოყენების შესახებ. სამინისტრო თანაუგრ-
ძნობს ამ კანონ პროექტს, წარმოდგენილს ეხლა სასკოლო კომისიის მიერ.

მაგრამ, თუ თითონ სამინისტრომ არ წარმოადგინა ეს კანონ-პროექტი,
ამის მოსაზრება გახლავთ შემდეგი.

ჩვენ გადაწყვეტილი გვქონდა საერთოდ სკოლების ტიპის, სკოლების
პროგრამების შესახებ. ჩვენ ვფიქრობთ, რომ წერიანდელ სამოსწავლო წელს,
ჩვენ პედაგოგიურ მუშაობაში ჩერ მოვასწრობთ მოვახდინოთ ისეთი რადიკა-
ლური ცვლილებები, რომელიც საჭიროა სკოლების გადაკეთების და პროგრამ-
ების გადახილვისთვის, — საქმე გადავდეთ მომავალ წლამდის. ამ რიცხვში გახლავთ
სამღვთო სჯული. ჩვენ ვიფიქრეთ, რომ ამ ხნის განმავლობაში, გამოირკვევა
ის ძირითადი საკითხი, რომლიდანაც ასე თუ ისე გამომდინარეობს საკითხი
ეკლესიის და მთავრობის ურთიერთობისა.

ჩვენ დარწმუნებულნი ვართ რომ ეს საკითხი მოკლე ხანში უნდა გადა-
წყდეს, ასე თუ ისე დამოკიდებულება ეკლესიისა და სახელმწიფოს შორის გა-
მოირკვევა, ესე იგი ეკლესია დაშორებული იქნება სახელმწიფოსაგან და მაშინ,
თავის თავად ეს საკითხიც სწყდება. ჩვენ სამოსწავლო წლის მსვლელობის
დროს უხერხულად ვცანით, რომ შემოვსულიყავით ამ კანონ-პროექტით გარდა
ამისა, ჩვენ გვქონდა შემდეგი მოსაზრება. ჩვენ საჭიროდ ვთვლიდით, რომ სა-
მღვთო სჯულის ადგილი დაექირა სხვა რაიმე საგანსა, — საეკლესიო ისტორიას,
შეიძლება ეთიკას, უფროს კლასებში; არ გვინდოდა, რომ ცარიელა ადგილი
დარჩენილიყო ამ სამღვთო სჯულის ადგილას. გარდა ამისა ეს უხერხულია
წმინდა პრაქტიკულადაც. მშობლები, რომელმაც არ იციან ასწავლიან იმათ
შვილებს სამღვთო სჯულს თუ არა, ეხლა ხომ ვერ მოახერხებენ ამ საქმის ორ-
განიზაციას, ეკლესიაც მათ ვერ მოეხმარება, თითონ მოუწყობელია, სასწავლებ-
ლებში ვაკვეთილები განაწილებულია, სადამოკებით არის სწავლა შემ-
ლებული ბევრი ტექნიკური დაბრკოლება არის, და ამიტომ ჩვენ ვფიქრობდით, რომ
შემოგვეტანა ეს კანონ-პროექტი მომავალ სამოსწავლო წლისთვის, როდესაც
იქნება საერთოთ გადასინჯული პროგრამები.



მიუხედავად ამისა, რაკი ამ კანონ-პროექტმა მოაღწია პარლამენტამდე კომისიამ შემოიტანა აქ, ჩვენ, ვიმეორებთ, წინააღმდეგი არაფერი გვაქვს, მხოლოდ უნდა გამოვთქვა ის აზრი, რაც აქ გამოსთქვეს ზოგიერთმა ორატორებმა, რომელნიც გამოდიოდნენ ამ კათედრაზედ, რომ არ არის ამ კანონ-პროექტში დაკული მთლიანი პრინციპი, არას სამდგომო სჯულის სწავლება ისეთი სახით, რომ ერთისთვის სავალდებულოა, მეორესთვის კი არა. ეს კი სრულიად ეწინააღმდეგება მთლიანობას და არღვევს პრინციპს. მაგ. მაჰმადიანებისთვის სავალდებულოა სამლო სჯული. თუ ეს სავალდებულოა, მაშინ ისე გამოდის, რომ რაღაცა პრივილეგიურ მდგომარეობაში ვაყენებთ ამ სარწმუნოებას და არა მგონია, რომ გვექონდეს რამე გასამართლებელი საბუთი, იქნება ეს პედაგოგიური, თუ პოლიტიკური.

აი ასეთია სამინისტროს და მთავრობის აზრი. ჩვენ არ შემოვიტანეთ ეს კანონ-პროექტი დროზე იმიტომ, რომ უხერხულად ვცნობდით სამოსწავლო წლის განმავლობაში შემოგვეტანა ასეთი რაიმე, ვინაიდან არ არის არც სამაგიერო საგნის სწავლა, არც საერთოდ მასწავლებლები. რომლებიც საჭირო არის ამ საგნებისთვის. ესენი მზადა მყავს, მხოლოდ ქართულ ენაში. აი ამ ზოგიერთი პრაქტიკულ მოსაზრების გამო ეს საკითხი ჩვენ გადავდეთ მომავალ წლისთვის, როდესაც საერთოდ გადაინჯული იქნება პროგრამები. თუ პარლამენტმა მიიღო ეს კანონ-პროექტი ჩვენ წინააღმდეგობას ვაცხადებთ 2 მუხლის შესახებ, რომელიც შეეხება მაჰმადიანის საღმთო სჯულის სწავლებას.

თავმჯდომარე სიტყვა ეკუთვნის პარლამენტის წევრს შალვა ქარუმიძეს.

შ. ქარუმიძე. (დამ. ერ.-დ.) ბ.ბო, საქართ. პარლამენტის წევრო! ბედი კანონ-პროექტისა გადაწყვეტილია. წარმოდგენილია იგი სასკოლო კომისიის მიერ, სოციალ-დემოკრატიული ფრაქცია სიხარულით ეგებება და მისი ოფიციალი ორატორი ბ-ნი დოლიძე მეტს რადიკალიზმს თხოულობს, გვიპირდება მეხუთე და მეექვსე მუხლების ამოშლას და მით მუსულმანთა სკოლებშიაც კი შარიათის სწავლების ბოლოს მოღებას.

მართალია, ბ-ნმა განათლების მინისტრმა განაცხადა, რომ თუმცა მთავრობა და თვით მინისტრიც პრინციპიალურად იზიარებენ კანონ-პროექტს, მაგრამ მაინც სწადდა წლის ბოლომდის შენახვა სჯულის სწავლებისა, რათა ტეხნიკურად უხერხულობა არ გამოეწვიათ უკვე გაწყობილ სასწავლო გეგმებში. მაგრამ მე ვიცი, რომ თითონ განათლების სამინისტროს გადადგმული აქვს ნაბიჯები, რომელნიც ფაქტიურად უკვე სწყვეტავენ სჯულის სწავლების საკითხს.

ამ წლის ენკენისთვის თარიღით სამინისტროს დაგზავნილი აქვს საგნების განწილა და ბევრს სიაში საღვთო სჯული უკვე შეტანილი აღარ გახლავთ. მე მაქვს ნახული ასეთი სიები. ამის შესახებ მე ოფიციალურად შევეკითხე საპარლამენტო კომისიის ხელმძღვანელს სამინისტროს წარმომადგენელს ბ. ბერიძეს. ნათქვამიდან გამოირკვა, რომ სამინისტროს საჭიროდ უცვნია დამატებითი ცნობები დაერიგებინა. გარდა ამისა, თქვენ მოგეხსენებათ, რომ სამინისტრომ უკვე ჩამოართვა საქართველოს საკათალიკოსო საბჭოს სასულიერო სკოლები, რომელთ მთავარ მიზანს დღემდის სასულიერო პირთა აღზრდა შეადგენდა. არ ვიცი, როგორ შეასრულებს ამ მიზანს სამინისტრო, განსაკუთრებით დღევანდელ კანონის მიღების შემდეგ, მაგრამ ეს კი ცხადია, რომ ბ-ნ მინისტრის მობოლიშება საქმეს ვერც შევლის და ვერც არსებულ ფაქტიურ მდგომარეობას შეეფერება. ამის შემდეგ გაუგებარი ხდება ბ-ნ მინისტრის მეორე განცხადებაც. მისი სიტყვით მთავრობა ამ საკითხს უკავშირებს სახელმწიფოდან ეკლესიის გამოყოფის საკითხს. თუ ეს ასეა, მაშინ მით უფრო გაუგებარია ის დოლი და



აჩქარება, რომელსაც იჩენს ამ საკითხში სამინისტრო განკარგულებებით და პარლამენტი კანონმდებლობით.

ამგვარად ყველა ძალები შემოკრებილია, საჭირო საფეხურები ავილილია და კანონ-პროექტი დღესვე კანონად იქცევა!

კანონმდებლობის გზით ხდება დიდი, უმაგალითო რევოლიუციონური აქტი ჩვენი ხალხის ცხოვრების ისეთ სფეროში, სადა რევოლიუციას არავითარი ადგილი არ უნდა ჰქონდეს, ხდება აქტი დიდი და არა დადებითი მნიშვნელობისა და ჩვენ, უმცირესობა ვიმაღლებთ ჩვენ ხმას მის წინააღმდეგ.

ბ. მომხსენებლის მოსაზრებიდან ჩვენ მხოლოდ ერთს აზრს ვიზიარებთ, მაგრამ ამ აზრს არ იზიარებს თვით კანონ-პროექტის შინაარსი. ვეთანხმებით, როგორც მომხსენებელს ბ-ნ ნათაძეს, აგრეთვე ჩემ წინა მოლაპარაკეს ბ-ნ კ. აბხაზსაც და მათთან ერთად ვიტყვით, რომ უნდა მოხდეს რეორგანიზაცია სჯულის სწავლებისა და არა მარტო სჯულის სწავლებისა, არამედ მთელი სკოლისა. რუსული სკოლა, საესე უარყოფითი მხარეებით, დამოუკიდებელ და თვითარს საქართველოს, რასაკვირველია, არ გამოადგება და ჩვენი სახელმწიფოებრივი აღმშენებლობა სწორედ სკოლის შეცვლით უნდა დაიწყოს. ცვლილებანი უნდა მოხდეს ყოველის მხრივ მათ შორის სჯულის სწავლების რეფორმაც. მაგრამ საინტერესოა, რათ ვიწყებთ ამ განახლებას სჯულის სწავლების არა რეფორმით, არამედ მისი სრულიად ამოშლით სამოსწავლო საგნებიდან?

რას უნდა მიეწეროს ეს? ცხადია ჩვენ გონებრივ სისუსტეს, რომელსაც ვერ დაუძლევიან დიდი საქმე და იჩენს ძალას იქ, რაც ერთი შეხედვით ადვილი დასაძლევიან.

ეს გახლავთ დიდი ორიგინალობა ჩვენი პარლამენტის მიერ, რომლის მსგავსი არ ახსოვს არც ერთ განათლებულ ქვეყნის ისტორიას.

არა ყოფილა არც ერთი მაგალითი მსოფლიო ისტორიაში, რომ ეს საკითხი გადაწყვეტილიყოს ასე განწყენებულად, ისტორიულ პირობათა გარეშე და განსაკუთრებით მაშინ, როდესაც ეკლესია ჯერ კიდევ სახელმწიფო ინსტიტუტი გახლავთ და ბევრ დიდ სოციალურ და პოლიტიკურ მნიშვნელობის სფეროებში სახელმწიფო ემყარება ამ ეკლესიას. უმაგალითო გახლავთ აგრეთვე ის მოურიდებელი სითამამე, რომელსაც იჩენს ახალგაზდა სახელმწიფო ძველი ინსტიტუტების შლაში, როდესაც ჯერ კიდევ ახალი მათ მაგიერი არ შეუქმნიან და ძველების უსარგებლობაში სავსებით არ დარწმუნებულა.

ჩვენ და თქვენ, ბ-ნო სოციალისტებო, დღემდის ერთში ვერ მოვრიგებულვართ. თქვენ შლით საქართველოს ზეელ წარსულს და მის მომავალს აშენებთ „სუფთა ფაცარზე“. აი ეხლაც, თქვენ ქართველი ერის სულიერი სახე, მისი სარწმუნოება და სინილისი ალბად სრულიად „ცალიერი ფიცარი“ გგონიათ და აპირებთ ამ უღვთო კანონის ჩაწერას. მაგრამ სცდებით. ქართველი ერი სულიერ—სარწმუნოებრივ სახეს თავისი ისტორია აქვს მდიდარი ძლიერი ტრადიციით, სარწმუნოებრივ და ინტელექტუალურ ევოლუციის საკუთარი გზით.

დღესაც, როდესაც კვლავ აღსდგა პოლიტიკური ცხოვრება საქართველოსი, აღსდგება მისი სულიერი კულტურის ევოლიუცია და მხოლოდ ის ნაბიჯი იქნება გონიერი, რომელსაც იგი შეითვისებს. დღევანდელი კანონ-პროექტი სრულიად უცხოა ჩვენი ერის ინტელექტუალურ-რელიგიოზურ ევოლიუციისათვის, არ უდგება მას და ვერავითარი მოსაზრებანი ბ-ნ მომხსენებლისა, ვერც პოლიტიკური და ვერც პედაგოგიური მას ვერ ამართლებს, ფასი არა აქვს არც ბ-ნ დოლიძის არგუმენტს, სჯულის სწავლების აღკვეთას დემოკრატიულის მოსაზრებით, პირიქით პოლიტიკური ისტორიაც, საღი პედაგოგიკაც და ქეშმა-



რიტი დემოკრატიზმშიც მხოლოდ იმას გვეუბნებოდა და გვეუბნება განათლებულ ევროპის მაგალითებითა და ჩვენი საწყალი სინამდვილის ენით, რომ ეს კანონი არის პოლიტიკურად გონიერებას მოკლებული, არა პედაგოგიური და არა დემოკრატიული.

ჩაყვეთ მომხსენებლების არგუმენტაციას. ჩვენ ვეთანამებთ, რომ არიან განათლებული ქვეყნები, საცა სახელმწიფო სკოლას სრულიად საერო ხასიათი აქვს და სჯულის სწავლება გაუქმებულია. მაგდამ სად, როგორ და რა პირობებში მომხდარა ეს? უპირველესი ქვეყანა, საცა სკოლაში არა აქვს ადგილი სჯულის სწავლენას—ამერიკა გახლავთ მაგრამ სამაგიეროთ იქ სჯულის სწავლებას დათმობილი აქვს შაბათი მთლათ და კვირაც ზედ მისდევს. 1902 წლის ცნობებით "შეერთებულ შტატებში" 140,000 საკვირაო სკოლა არსებობდა, საცა მოზარდი თაობა იკლავდა რელიგიურ წყურვილს. 139,817 მასწავლებელი და 12,000,000 მოწაფე ბაასობდა ამ სკოლებში სჯულს საკითხებზე.

განსაკუთრებით თავისებური გახლდნენ ამერიკის ისტორიული პირობებიც. თქვენ იცით, ბატონებო, რომ ამერიკა სულ ახლათ სქვდავდა თავის ისტორიას და ამ საქმიანობაში მას ხელი არ ჰქონა შეკრული არაერთი საზოგადოებრივ სახელმწიფოებრივ ტრადიციით, როგორც ევროპაში, ან ჩვენში.

უკლესისადაც ამერიკელი საზოგადოება არ დაწყდნობია. ამერიკულ სახელმწიფოსათვის ეკლესია არა ყოფილა ის ყაფარჯანი, რომელზედაც ეყრდნობოდნენ და რომლის შემწეობითაც აღიდაეს ფუხი კონტინენტალურ სახელმწიფოება და მათ შორის საქართველომაც. მაგამ ამერიკაში არ არის ინდუფერენტობა, მთ იუმეტეს მტრობა ეკლესიისადმი პირიქით არ არის ხალხი, ისე ღრმით რელიგიოზური, ღვთის მომსახვი, ამ სიტყვის წმინდა მნიშვნელობით, როგორც ამერიკელები, არსად მთელ ქვეყანაზედ არ გახლავთ ისეთი დიდი და ისეთი გავლენის მქონე საეკლესიო პრესა, როგორც ამერიკაში. არსად სამღვდელთა არა აქვს ისეთი დიდი ავტორიტეტი, როგორც იმავე ამერიკაში და ქონებრივითაც ისე არსად გახლავთ უზრუნველყოფილი. აი, ბატონებო, მოწინავე დემოკრატიის სამშობლოს ამერიკას როგორ აქვს გადაწყვეტილი და მოწესრიგებული სჯულის სწავლების საქმე.

თქვენ რომ საქის ჩადენა გინდათ ამ კანონის მიღებით, იქ, რასაკვირველია თავში არავის მოსვლია. აქ ცხოვრებას, ისტორიულ მსულებლობას გაუნთავისუფლებია სკოლა სჯულის სწავლებისაგან ისიც და მხოლოდ მაშინ, როდესაც აღუგია ძლიერი, უფრო შესაფერი შენობა საზოგადოებრივი შეენებისა და ამგვარად შექმნილა ის ჭეშმარიტათ სასურველი დღევანდელი ვითარება, რომლისკენაც უნდა მიისწრაფოდნენ კულტურული ადამიანი.

თქვენ რომ ასწრობთ ამ ამერიკას სისასტიკეში და სრულიათ იუქმებთ სჯულის სწავლებას, რომელ წყაროთან გზავნით ხალხს დიდს ბუნებრივ და სამარადისოთ უკვდავ ძლიერი სულიერ წყურვილის მოსაკლავათ? თქვენი პარტიული ბროშურები და ჩვენი ზნეობრივად გააღახანებული ცხოვრება, მეტი ხომ ჯერ-ჯერობით აღარაფერი მოგვეპოება, მერწმუნეთ, გერავითარი მასალა გახლავთ ხალხის ზნეობრივ აღსაზრდელათ! ამერიკას მოსდევს თავისი რადიკალიზმით—საფრანგეთის.

მოგახსენებთ საფრანგეთზედაც. საფრანგეთი თქვენთვის განსაკუთრებითი ყურადღებისა და სიყვარულის ქვეყანა არის. თქვენ მუდამ გქონდათ დიდი სიყვარული მიბამვისა იქაურ აქტებისადმი. ამ შემთხვევაშიაც ალბათ გხიბლავთ



სასტიკი ბრძოლა, გამწვავებული დაშოკიდებულება საფრანგეთის ეკლესიასა და სახელმწიფოს შორის, მაგრამ ჯობზე მედომ რაინდის როლში გამოიღებართ! არ გეომებათ ის, ვისაც თავზე კორიანტელის ადენას უპირობთ, არ გეომებათ მიტომ, რომ თქვენზე ნაკლებ არ არის დაინტერესებული საქართველოს ბედნიერებაში, თქვენზედ ნაკლებ არ უყვარს იგი და თქვენზე ნაკლები იქნებ ღვაწლიც არ მიუძღოდეს.

მიბაძვაც მარტო ავში კარგი არ არი და უნდა შეგწევდეთ უნარი კარგშიც მიბაძოთ! მართალია საფრანგეთის სკოლა მთლად საერო ხასიათისაა, მაგრამ სასკოლო კანონმდებლობაში არის შემდეგი მუხლი, რომელიც არ უნდა გამოგაბროდათ მხედველობიდან. ეს მუხლი ამბობს: „საზოგადო სკოლებში შეცადინებოდან თავისუფალი უნდა იყოს ერთი დღე, გარდა კვირისა, რათა მშობლებს, რომელსაც სურთ სასულიერო აღზრდა არ მოაკლონ შევილებს, ჰქონდეთ ამის შეძლება. ეს „სასულიერო“ დღე საფრანგეთში ხუთშაბათი გახლავთ. ფრანგის ერი უხეად სარგებლობს ამ დღით: საფრანგეთის რევოლიუციონერებზე და სახელმწიფო მოღვაწეებზე შეგვიძლიან ვთქვათ, რომ მათ შური სამღვდელობისადმი არ იძიეს ფრანგის ხალხზე და მის სულიერ-რელიგიურ მოთხოვნების დასაკმაყოფილებლად ზრუნვა გამოიჩინეს. სახელმწიფომ დააკანონა ამ საგნისათვის ერთი დღე და საქმის მოგვარებას, თუ მოგეხსენებათ, დიდი დახმარება გაუწია. თქვენზე ეს არ ითქმის! თქვენ, ბნო სოციალისტებო, შურს იძიებთ, რადგან ამ დღევანდელ კანონს გარდა შურისძიებისა სხვა არაფერი დაერქმის და შურს იძიებთ არა თუ მარტო ქართულ ეკლესიაზე და სამღვდლოებაზე, რომელსაც თქვენთვის დახმარებისა და თანაგრძნობის მეტი დღემდის არა დაუშაგებიათ, არამედ მთელ ქართველ ხალხზედ. ხომ ვერ იტყვიით იმას, რომ ჩვენს ხალხს არა აქვს არავითარი რელიგიოზური მოთხოვნა. არა სჭირია ზნეობრივი აღზრდა? თუ ვერ იტყვიით ამას, მაშ როგორია თქვენი ზრუნვა ამ დიდი საქმის შესახებ? იქნება კანონპროექტის მეოთხე მუხლზე გაქვთ იმედი, რომლის ძალით მშობლებს აძლევთ წინადადებას, როგორც სურთ ისე მოაწყონ ეს საქმე. მაგრამ კარგად იცით, რომ ჩვენ სინამდვილეში და ჩვენი საზოგადოებისათვის, რომელიც არ იცნობს არავითარ ინიციატივას, რომელიც არ იცნობს კონგრეგაციების რამ მინაგვარს მოძრაობას—ეს მუხლი არავითარ არსებით მნიშვნელობას წარ შეიცავს. თქვენ საქციელსა და ფრანგთა საქციელს შორის არავითარი შედარება არ არის. თქვენ რომ მათ ადგილას ყოფილიყავით, ფესვიანად აღმოფხვრიდით ყველაფერს, რასაც კი სჯულთან რაიმე კავშირი აქვს. თქვენ იცით, რომ საფრანგეთში ეკლესიამ სასტიკი ბრძოლა გამოუცხადა რევოლიუციას და რესპუბლიკანურ მთავრობას. ეკლესია ძლიერ ძალისაღწერ მოადადგენდა მის ხელში იყო აღზრდა, მომავალი სახელმწიფო დაწესებულება და დიდი, ძალიან დიდი, გავლენა დაბალ ხალხში. მაგრამ ბრძოლაში ის მარტო ამ შინაურ ძალას არ ემყარებოდა ხოლმე, მან არა ერთხელ ჩაერია საფრანგეთის საქმეებში ისეთი გარეშე ძალა, როგორც გახლდათ რომის პაპი და კათოლიკეთა ეკლესია. მაგრამ არც ერთხელ მთელი საუკუნე დავის დროს ეკლესიასა და სახელმწიფოს შორის, არც ერთხელ, თვით რევოლიუციის უძლიერეს აქოჩრის დღესაც, არც ერთ უკიდურეს რევოლიუციონერ მთავრობას არ ჩაუდენია ის, რასაც თქვენ ჩაადინებთ: ხომ არ არის საფრანგეთის ისტორიაში დღე, როდესაც წაშლილიყოს ძველი და მის მაგიერ ახალი არ შემოედოთ! თვით რობესპიერმა ვითაც ადკვეთა ძველი, მაგრამ მის მაგიერ ახალი კულტი მისცა ფრანგებს, კულტი „უზენაესი არსებისა“. არის რამ საქართველოს ეკლესიის



ცხოვრებაში მინაგვარი იმისა, რასაც ახდენდა კათოლიკეთა ეკლესია საფრანგეთში? მე ღრმად ვარ დარწმუნებული და დამეთანხმება ყველა, ვინც-კი დაახლოვებით მაინც იცნობს საფრანგეთის რევოლუციის სულს, რომ ჩვენი ეკლესიის წარსული, მისი ჯვარცმა და ტანჯვა ერისათვის, მისი შედული ბრწყინვალე ნაბიჯი 12 მარტის აქტით გადადგმული დიდ ენტუზიაზმს გამოიწვევდა საფრანგებთში.

მაგრამ დავსკვნათ ნათქვამი. ჩემ მიერ მოყვანილი ცნობებიდან შემდეგი აშკარაა: მოზარდ თაობათა რელიგიოზური სწავლა და აღზრდა ევროპის სხვადასხვა ქვეყნებში სხვადასხვანაირად არის გარდაწყვეტილი და მოწყობილი. მთავარი და მბრძანებლობითი მნიშვნელობა ჰქონიათ: ისტორიულ პირობებს ხალხის ეროვნულ თვისებებს, ეროვნულ ტრადიციას და კულტურას და ეკლესიის როლს ამ კულტურაში და მის პოზიციას სახელმწიფო ცხოვრებაში. სწორედ ამ მოვლენებით აიხსნება, რომ საკითხის ერთსა და იმავე გადაჭრას და მოგვარებას სხვადასხვა ქვეყნებისათვის სხვადასხვა შედეგი მოუტანია. ყველა მოწინავე ქვეყნების შესახებ კი ერთი რამ საერთო ითქმის: იქ სჯულის სწავლებას ეკარგება დოგმატიური ხასიათი და ღრმავდება მისი აღზრდელობითი მნიშვნელობა. იგი დღეს უდიდეს სოციალურ ფაქტორს წარმოადგენს ყოველივე სახელმწიფოს ცხოვრებაში. და არსად ამ ქვეყნებში ადგილი არა ჰქონია ისეთ კანონს, რომელიც სჯულის სწავლებას სრულიად აუქმებდეს, როგორც თქვენ სჩადიხართ. ეს ბარბაროსული მოვლენა გახლავთ და ევროპის ქვეყნები კი კულტურულ გზას ადგანან. და ამ კულტურულ სახელმწიფოზე, ვეჭვობთ ძალიან, რომ ამ კანონმა ჩვენთვის სასურველი შთაბეჭდილება მოახდინოს. დღეს კი, როდესაც დამოუკიდებელი საქართველო ელის მათ მიერ ცნობას თავის სუვერენობისას—განსაკუთრებით დიდი მნიშვნელობა აქვთ, რაიც თქვენ არა ერთხელ აღგვინიშნავთ. ჩვენც სწორედ ევროპიულის საზომით უნდა მოვსულიყავით ამ საგნის გადასაწყვეტად, ჩვენთვის აუცილებელი იყო და არის რეფორმა სჯულის სწავლებისა. როგორი, რა ფარგლებისა და რა ხასიათისა იქნება ეს რეფორმა ცალკე კანონის საქმეა და დღეს ამაზე ლაპარაკი სრულიად უადგილოა. დღეს აღსანიშნავია შემდეგი: საქმე გვიადვილდება იმით, რომ თვით ჩვენი სამღვდელოება გრძნობს ამ რეფორმის აუცილებლობას და მისი თანახმაა: და იმედი უნდა ვიქონიოთ, რომ სამღვდელოება რომელმაც თქვენ დაუხმარებლად და თქვენის ძალიან საეჭვო „თანაგრძობით“ მოახდინა უდიდესი ეროვნული აქტი, განაახლა ავტოკეფალობა, მოაწყო იერარქია ნამდვილ დემოკრატიულ პრინციპებზედ, ეს სამღვდელოება შესძლებს სჯულის სწავლების რეფორმებსაც და მოაწყობს ამ რეფორმას ევროპიულად.

ჩვენ მათ არ ვკითხვთ და საქართველოს პარლამენტი დღეს იღებს კანონს საქართველოს ეკლესიის ცხოვრებასა და გავლენის სფეროს წინააღმდეგ ამ ეკლესიასთან მოურიგებლად!

მეტად ძლიერი გახლავთ დადებითი მნიშვნელობა ქართველი ერის ცხოვრების ყველა სფეროებში საქართველოს ეკლესიისა და მისი გვერდზე ავლა არ გვეპატიება. ტრადიცია და ჩავლილი კვალი იჩენს თავს ჩვენს მომავალ რელიგიოზურ ცხოვრებაში, მაგრამ მაშინ ამათ იქნება დახარჯული ენერჯია და ამათ იქნება შელახული პრესტიჟი ახალგაზდა კანონმდებლობისა.

ერთი რამ ცხადია. კანონი ჩვენ სამღვდელოებას ახალ გზას უჩვენებს, რომელითაც მას არ უვლია ჯერ. ამიერიდამ სახელმწიფოში მან საკუთარი გზა უნდა ეძიოს. მაგრამ, რამდენათ ხელსაყრელია ეს პატარა ერისათვის? ერი ჩვენი და უმთავრესათ ჩვენი დემოკრატია ამ სიტყვის ფართო მნიშვნელობით



ჯერ კიდევ საჭიროებს და დიდათ საჭიროებს რელიგიოზურ ხელმძღვანელებს უნდა გვეყონდეს გამბედაობა და გვეყოფიოდეს სივსებაც ვთქვათ ნამდვილი, ჩვენი ერის უმრავლესობა წარმართობის მსოფლ მხედველობითაა მოცული. „ხატს“, სამხვთოს, ბერად შეყენებას, მკითხავს ჯერ კიდევ საპატიო აღგილი უჭირავთ მის გონებრივ სალაროში და მოქალაქობრივ აღზრდაში. თუ როგორია მისი უფლებრივი შეგნება პატივცემულმა კ. აფხაზმაც საკმაოთ მოგახსენათ.

ასეთ ხალხში კი რელიგიოზური დაწესებულება და აღზრდა შეიძლება გადაეჭეს იმ არხათ, რომელითაც ჩავა საზოგადოების ყველა წრეებში შეგნება უფლებისა, იდეა მოვალეობისა, სამართლიანობისა და ადამიანობისა (რუსია ადლილიდამ—ეკლესია საჭირო არ არის). არა, ბატონო—რუსია, საჭირო გახლავთ გინდ მხოლოდ იმიტომ, რომ ამ კლასობრივ სიძულვილისა, ბოროტებისა და სოციალურ ომის ხანაში და ატმოსფერაში შეიტანოს სიტყვა ზავისა, მშვიდობისა, ძმობისა, სათნოებისა და სიყვარულისა!

აი, ბატონებო, სწამდვილედ ეგრობისა და ხმა ჩვენი საკუთარი ცხოვრებისა თქვენი კანონი მას უნდა შეეფერებოდეს და არა იმას, რაც აქ ბნმა მომხსენებელმა გადაგიშალათ.

არც მეორედ მოსაზრება ბნ მომხსენებლისა, მოსაზრება პედაგოგიური, თხოულობს იმას, რომ ეს კანონი მივიღოთ. პირიქით ამ მოსაზრებით იგი უარ უნდა ვყოთ. არსებითად პედაგოგიკას არა სწამს რევოლუციკია არც ხალხი მსახიკის აღზრდაში, არც სასკოლო საქმეში. ეს კანონი კი ღრმად რევოლიუციონური, როგორც ხალხის რელიგიოზური ფსიხიკის მიმართ, ისე სასკოლო სწავლებაშიაც და მაშასადამე პედაგოგიკურის მხრივ ყოვლად მიუღებელია. და საცა კი პედაგოგიურ წრეებში დასაშლს ეს საკითხი, ყველგან დაგმობილ ქმნილა მისი ისეთი გადაწყვეტა, რომელსაც მოზხ უნებელი და კანონი გვიჩვენებს. ეს თქვენი კანონი ბნო სოციალისტკემო, ხომ ინა ეკლესია იმ ღოზუნჯისა, რომელიც ჯერ კიდევ დიდი რუსეთიდან გაქცეა წამოღებულნი. მაგრამ ხომ იცით ღოზუნჯი „სწინდის თვისუფლება“ გადაეჭა იმ თავისუფლებათ, რომელმაც განათავისუფლა ბოლშევიკური რუსეთი ყოველივე სვინიდ-სისავან. ამ გზიდან ღმერომა გვხსნას ჩვენც და ჩვენი ხალხიც! თვით რუსეთში ეს საკითხი არა ერთხელ დაიწავა. ორხჯერ ჯულის სწავლებას საკითხი იყო სავნათ „სწინელშიფო კომიტეტის“ მიერ მოწვეულ თაბირისა. გადაჭრილ აზრს ვერ დაადგენ. პეტროგრადის რაიონის მშობელთა წრემ კატეგორიულად მოითხოვა სწავლის შენახვა. ამავე დასკვნას დაადგენ საშუალო სკოლების მასწავლებელთა ყრილობა მოსკოვში (მაისი 1917 წ.), სავაქრო და სავაქრო და სამოწე. სამინისტროს მასწავლებელთა ყრილობა პეტროგრადში, უკრაინის მასწავლებელთა ეროვნული კავშირი და ერის კაცთა ყრილობა, სადაც იყო 1200 კაცი 114 მილიონ ბორწმუნე ადამიანის წარმომადგენელი და სხვა კიდევ ბევრი კომპეტენტური დაწესებულება და ყრილობა. ამავე საკითხის შესახებ ბნ მინისტრის პორტფელში ინახება დასაბუთებული მოხსენება საქართველოს საკათალიკისო საბჭოსი, სადაც აგრეთვე ცნობათაა მოყვანილი ჩვენი მრევლების აზრი ამ საკითხზე.

თქვენ ხელში კიდევ ერთი ხასიათის ფაქტია. თქვენ იცით, რომ ჯერ კიდევ შარშან ამიერ-კავკასიის კომისარიატმა გამოსცა განკარგულება სჯულის სწავლების გაუქმების შესახებ. ცხოვრებამ მას უკვე მსჯავრი დასდო. ფაქტიურად დღემდის არსად არ გაუქმებულა, მიუხედავად იმ დიდი გაჭივრებისა, რომელიც განიცადა სკოლების ადმინისტრაციამ. აი ბატონებო, რას გვეუბნება პედაგოგიკა და პედაგოგიური პრაქტიკა. იგი გვეუბნება უარყოფით კანონი.

მომხსენებელს ჰქონდა ნათქვამი კიდევ ერთი აზრი. ეს მოსასრება შრომის



სამართლიანი შეფასების პრინციპზეა აშენებული. უსამართლობა თურმე გახდა
 ლაღვ და აგრეთვე შელახვა შრომის სამართლიანი ანაზღაურების პრინციპისა
 ის მივლენა, რომ ურწმუნოთ გადაგახდევინოთ ფული მოარწმუნეთა მოთხოვნი-
 ლების დასაკმაყოფილებლად. უნდა მოგახსენოთ, რომ სასულიერო პირის მო-
 ღვაწივობას ჩვენ ღრმით საზოგადოებრივ ხასიათის შრომათა ვთვლით და აი ამ
 საბუთით მის გადახდაში ყველა უნდა იღებდეს მონაწილეობას, სწორედ ისე
 როგორც ყოველივე ქართველი ვერ შეგა ლექციების მოსასმენლად უნივერსი-
 ტეტში, ყველა ქართველი ვერ იხილავს თეატრს, ვერ გაიზიარებს ყველა კულ-
 ტურულ დაწესებულებას, ამ დაწესებულებათა ბიუჯეტში კი სახელმწიფო ყვე-
 ლას მიაღებინებს მონაწილეობას. რელიგია, როგორც ხელოვნება, სულის მო-
 თხოვნილება გახლავთ. შრომის პატივისცემა დიდი, კეთილშობილი მცნება არის
 და იგი ყველასათვის სავალდებულო უნდა იყოს და გერაფერი პატივისცემა და
 შეფასება გახლავთ შრომისა, როდესაც ხალხს, რომელთაც შეიძლება სიცოცხლე
 სჯულის მასწავლებლობაში გაუტარებიათ, შეუღლებიათ ენერგია და იქ ჩაუ-
 კლავთ სიყვარული და რწმენა, სახელმწიფო ითხოვს „დღიდან ამ კანონის მი-
 ლებისა“ და აძლევს სალიკვიდაციოს იმ კანონის ძალით, რომელსაც უმთავრე-
 სად ფრინტი მოხელეთაგან უნდა გაერთავისუფლებინა საქართველო.

არამც თუ შრომის პატივისცემაზე შეიძლება ლაპარაკი, არამედ აქ პი-
 როვნების ელემენტარული პატივისცემაც აღარსად გახლავთ და ეს ხალხი სჯუ-
 ლის მასწავლებლები პირდაპირ კანონს გარეშე რჩება. ხომ არ შეიძლება რა-
 მელიმე დარგის მუშის ასეთი „ლიკვიდაცია“ მას დაიკავს კანონი და მის მომ-
 ხრეთ უმაღლესი შრომის მინისტრი გამოვა.

იმავე საფრანგეთმა 1905 წ. 9 დეკემბრის კანონში ორი მუხლი შეიტანა.
 რომლითაც მოაწყო სამღვდლოება სახელმწიფომ ეკლესიის ვამოყოფის შემდეგ
 და პატივი სცა შრომასაც და ბიროვნებასაც. ჩვენ ალბათ ვერ შორს ვართ
 ასეთ ელემენტარულ კულტურულ და სახელმწიფოებრივ შეგნებისაგან. პარტი-
 ული, ეგოისტური პოლიტიკა გვიხუთავს სულს.

სოციალ დემოკრატიის ოფიციალ ორატორს, ბ. ნ. დოლიძეს მე შემდეგს
 მოვახსენებ. მისი ფრაზა სოციალიზმისა და სარწმუნოების მტრობაზე კარგაა
 შეხებიერებული „ერფრუტის“ პროგრამიდან, მაგრამ კარგა არ არის ნახმარი,
 განსაკუთრებით „დემოსის“ (ხალხის) სახელით, სასტიკი აზრი, რომლის თქმა
 მეცნიერთ ევატიებათ, ვინაიდან ისინი შესწდომიან მეორე სარწმუნოებას—მეც-
 ნიერებას, სხვას არ ევატიება და სიბრალოლს იწვევს მხოლოდ. ეს იცოდეს
 ბატონმა დოლიძემ, რომ არსად, არც ერთ წრეებში ისე ღრმად არ არის ხოლ-
 მე ჩასული უხილავი ფესვები სარწმუნოებასა როგორც დემოსის გულში. სარ-
 წმუნოებრივი გრძობა უღიველი, ამოუფხეკელი მოთხოვნილებაა კაცის სული-
 სა, იმ სულისა, რომელიც მუდამ უკუნითი უკუნისამდე ეძებს იდეალს. სხვა და
 სხვა ფორმის სახით მას იცნობს ყოველნაირი ცივილიზაცია და სურვილი და
 ცდა მის აღმოსაფხვრელად მიმართული დიდი გონიერებას მოკლებული სითა-
 მამე იქნებოდა ყოველ რევოლიუციის, მსოფლიო კატასტროფის დროს სწორედ
 „დემოსი“ ყოფილა, რომლის გულში მხოლოდ არ მიფერფლილა უკანასკნელი
 ღველფი სარწმუნოებისა და საიდანაც შემდეგ უკვე განწმენდილი ციციბლი
 კვლავ გაღვივებულა. სოციალისტი ისტორიკოსი, რომელიც თქვენის თვალე-
 ბით უყურებდა ფაქტებს, ასე სწერდა ერთ ამბავს საფრანგეთის რევოლიუ-
 ციიდან: „ცხრა ტერმიდორის მეორე დღეს ეკლესიები განიღნენ და არა
 მღვდლების მოწვევით, არამედ თვით ხალხის სურვილითა და წადილით. რე-
 ლიგიოზური გრძნობა აღმოუფხვრელი ყოფილა კაცთა გულიდამ და ღვდლების



გარეკას მხოლოდ გაეცეცლებინა და გაედღიერებინა ეს გრძნობაო“
ძენს იგი.

და თქვენ ნუ სწამებთ ცილს ხალხს! თორემ რა ვიცით, თუ იმ ქვეყანაში, საცა დიდი სოციალისტი ჟორესი, მიუხედავად მეგობართა რისხვისა, თავის ქალს დედით გზავნიდა ყოველდღიურად საზიარებლად, იმ ქვეყანაში, საცა „დიოკლიტიანე—მდივენელი“ კონგრეგაციები, სადაც ვალდეკ—რუსსო განისვენებს აღსარების შემდეგ, ჯვარით გულზე, თუ აი იმ ქვეყანაში ეკლესია ჯერ კიდევ ხალხის გრძნობაში და მსოფლ-მხედველობაში წარმოადგენს დიდს ძალას, რა ვიცით, რომ ნაკლები იქნება, მისი ძალა ჩვენ ქვეყანაში, სადაც არც ვალდეკ-რუსსო, არც მთელი მეთვრამეტე საუკუნის „განმათავისუფლებელი“ მწერლობა და მსოფლ-მხედველობა ყოფილა და საცა სამაგიეროთ არის ეკლესია, რომელსაც ერის ისტორიაში და ტრადიციაში ფოლადათ ნაკვეთი კვალი შეუტანია და საცა არის ხალხი, რომელსაც შერთალია ღმერთი და კარგული ჰყავს, მაგრამ იგი სწამს და ჰპოებს მას, როგორც ჰპოვა ინტერნაციონალიზმში დაკარგული სამშობლო.

აი, ბატონებო, ყველა ჩამოთვლილი მოსაზრებანი პოლიტიკური და პედაგოგიური ხასიათისა, დასავლეთ ევროპის ცხოვრება და გამოცდილება, ჩვენი ისტორიული პირობები შეუფერებლობა ჩვენი ერის ინტელექტუალურ და რელიგიოზურ განვითარების დონესთან და მოთხოვნილებასთან, უსამართლობა სჯულის მასწავლებელთა წინაშე გვავალებს ხვენ დამოუკიდებელ ნაციონალურ პოლიტიკის მწარმოებელ ფრაქციას წინააღმდეგნი ვიყოთ ამ კანონ-პროექტისა

სპირიდონ კელია. (ერ. დემ.) პარლამენტის წევრონო! ამ ტრიბუნაზე არა ერთხელ გეჭონია შემთხვევა აღგვეჩინა, რომ ძალიან ხშირად კანონ-პროექტს სრულიად შეუსწავლად განვიხილავთ ხოლმე და როდესაც შემდეგ ამ კანონ-პროექტის ცხოვრებაში გატარებას დავაპირებთ, დიდ დაბრკოლებას ვხვდებით წინ და კანონ-პროექტი თავის ძალას და მნიშვნელობას ჰკარგავს.

თუ როდისმე ასეთი მოვლენა სამწუხაროდ უნდა ჩაითვალოს და უთუოდ ჩაითვლება, ეს უნდა ითქვას განსაკუთრებით დღევანდელ კანონ-პროექტის შესახებ. ამ მოვლენას შეიძლება დიდი ხიფათი მოჰყვეს და მეტად სამწუხარო იქნება.

ამ კანონ-პროექტით თქვენ ბრძოლას უცხადებთ, იმ სულიერ ბურჯს რომლითაც ქართველი ერი სცხოვრობდა და მრავალი ასი წლის განმავლობაში იდგა მედგრად, რომლის გარშემო ქართველი ერი თავს და ცხოვრებისთვის ჰკრებდა თავის ენერჯიას. ასეთი სულიერი ბურჯი იყო ქრისტიანობა და მისი მორალი, რომელიც ათასი წლობით სწრთვინდა ქართულ ერის სულს, რომელიც მრავალ საუკუნეში თვით შეიცავდა მთლიან ეროვნულ მცნებას და თავის დაცვას; აი სულიერი ბურჯი, რომელზედაც აღმოცენებულია ჩვენი კულტურის უმშვენიერესი მხარეები. აი ეს სარწმუნოების მორალი, რომელსაც მქადაგებელთ აუგეს საქართველოში მშვენიერი ნიმუშები ხელოვნებისა, რომლის მქადაგებელთა დასწერეს დიდებული წიგნები, რომელთა წაკითხვა ადამიანს დღეს აღფრთოვანებს. ესოდენი დამსახურებული, ძვალ-რბილში გამგდარი ძალა ხელ-შეუხებელი, ძალა სულიერი, დღეს თქვენ ერთის იერიშით, გსურთ მოსპოთ. წარმოდგენილი კანონ-პროექტის ძალით უნდა გაანადგუროთ. (მგელაძე: მუზეუმში ავაწყოთ)

ნათქვამს გაგება უნდა, აი ჩვენ ვებრძვით ამას. ეს გარემოება, რომ ასეთი მნიშვნელოვანი კანონ-პროექტი ჩვენ საზოგადოებაში, ჩვენი ერის ცხოვრებაში არ იწყვეს ერთეულ მღელვარებას და რომ იგი არ გამხდარა ჩვენ საზო-



გადოებაში შეხლა-შემოხლის საგნად, ეს თავის თავად მაჩვენებელია არა იმიტომ, რომ ქართველი ერი სარწმუნოების გარეშე დარჩა და სარწმუნოებას ყურადღებას არ აქცევს? არა, ეს აიხსნება ჩვენი უკულტურობით იმიტომ, რომ ამგვარ საზოგადოებრივი აუზმუშაველობა ახასიათებს ამ კანონ-პროექტს, რომელიც ჩვენ მოგვცა ამ რამდენი ხნის განმავლობაში. და ეს კი, ასეთი ინდეფერენტიზმი, ასეთი უკულტურობა სამწუხაროა, რასაკვირველია, და ჩვენი პარლამენტი ხელს უწყობს, რომ აჩქარებული ნაბიჯით წინ მიიღტოდეს და მე მგონი, რომ ჩვენი მოღვაწეობა ამაში არ უნდა მდგომარეობდეს.

აი ჩვენ ვებრძოდით ამ სულიერ ბურჯს, ჩვენ ვებრძოდით, უფრო საგნობრივ რომ ვილაპარაკოთ იმ ხალხს, რომელშიც ასეთი სულიერი ბურჯი ჩადგმულია და არსებობს. ჩვენ ამ შემთხვევით, ვიმეორებ, არ გვესმის ქართული ხალხის სული; ჩვენ დაშორებული ვართ იმას.

აი აქ ვინც თავმოყრილი არიან ყველა ესენი ბატონებო, შეჩვეულნი არიან ფორმულებით აზროვნობას, პრინციპით ხელმძღვანელობას; ესენი შეჩვეულნი არიან აბსტრაქტიულ საგნებს, შეთვისებული აქვთ მხოლოდ ზოგადი კანონების მოვლენები.

მხოლოდ თვით სინამდვილე, რომელიც არის ჯამი მრავალი ათასი ობიექტიური წვრილმანი სინამდვილისა და განცდისა, აი ასეთი სინამდვილე მთელი თავის სირთულით ჩვენთვის უცნობი არის. და ვეტყვით, რომ ქართველი ხალხის, ქართველი გლეხის სულიერი სინამდვილე მთავარი, მისი არსებითი მხარე სწორედ ამ შემთხვევით უცნობი დარჩა და ჩვენ ვერ ვხედავთ მათში იმას, რაც ძლიერად არის ჩამდგარი მათში, აი ეს სასულიერო სარწმუნოება.

ჩვენ კი, ბატონებო, რაც აქ ვართ იმასაც კი ვერ ვასწრებთ, რომ ერთი მეორის წინააღმდეგ დაწერილი საგაზეთო წერილები წაეკითხოთ და ერთი მეორეს ანგარიში გაუწიოთ; ჩვენ არ გვაქვს დრო, რომ ჩვენ სულს ერთნაირი სარბიელი მივცეთ და გავაქანოთ ჩვენი გრძობა-ძიება უფრო ღრმად და უფრო შორს; ჩვენ არ გვაქვს ამის შეძლება მაშინ, როდესაც იმ ქართველ ხალხს, იმ სამ მილიონს, რომელიც გაბნეულია ჩვენ საქართველოს ტერიტორიაზე, სულ სხვანაირად ესმის სინამდვილე; იმის სული ეძიებს სიმშვიდეს.

აი, ბატონებო, მისთვის არის მთელი შენობა რელიგიისა, სარწმუნოებისა, ესეთი დიადი მნიშვნელობისა.

აი, ბატონებო, რაკი არ გვესმის ჩვენ ხალხის რელიგია და სარწმუნოება, ჩვენ იმას ანგარიშს არ უწევთ და რომ ჩვენ ეს ასე გვემართება ეს სჩანს იქიდანაც, რომ მრავალი მშვენიერი ადგილები და დებულებანი, რომელნიც ჩვენს პროგრამებშია შეტანილი, როდესაც სინამდვილეს მიუახლოვდებით და იმსხვრევიან ხოლმე და ჩვენ იძულებული ვართ შევაკეთოთ ისინი, ბევრი რამ დაუთმობთ, ან და სხვანაირად გამოვცეთ. და აი, ბატონებო, აქ იწყება დაშორიშორება ჩვენი გუნების და რეალობისა ხალხის გუნებასთან; და თუ ამ საკითხს მივაქცევთ ყურადღებას საჭირო არის ამას ანგარიში გაუწიოთ და თუ დავადგეთ ამ გზას, ამ ორ გუნების შეერივებით შევქმნათ უკეთესი მომავალი.

აი, ბატონებო, სწორედ ის საქმე უნდა მოხდეს ამ ხაკითხში და იმიტომ მე დღეს ფრიად სამწუხარო მოვლენად ჩავთლიდი იმას, რომ ეს საკითხი მარტო ხმის უმეტესობით და არა სხვა მოსაზრებათა ხელმძღვანელობით ესე სასწრაფოდ გადაწყდეს.

ამით ხალხს უჩანაგებთ, ხალხში ვანადგურებთ ამ რელიგიურ სამეფოს ამ რელიგიურ არსებას და მის თითქმის ბუნებას.



ჩვენ ვქმნით იმ სიცილიერეს რომლის ამოვსება არ შეგვიძლიან, რომ რელიგიის გამაერებას ვერ გასწევს ვერც მეცნიერება, ვერც რამე სხვა.

მე მოგახსენებთ, რომ ჩვენ ამ კანონ-პროექტით სარწმუნოებისაგან ცხოვრებასგვაცილებთ და მის ადგილს კი არაფერს არ ვაძლევთ. ასეთ შინაარსის კანონის მიღება, ეს არის ძალათ ჩანგრევა, არის განადგურება რომელიც შეიძლება სახედათოთ შეიქმნას ჩვენი საზოგადო ცხოვრებისათვის.

იმავე დროს ჩვენ უცხადებთ ბრძოლას, პრინციპიული ბრძოლას გამწვანებულს და შეუროგებელ კერძო საკუთრებას. მაგრამ შეიძლება სინამდვილე უფრო ძლიერი აღმოჩნდა, ვიდრე პრინციპი; ვიდრე ფორმულა!

აი თქვენ საქართველოს სინამდვილეს, ქართულ ხალხს აცლით ორ ძალას, ორ პრინციპს, იგი არის ძალა რელიგიური და საკუთრება, რომელიც ქართული ერის ეკონომიური ძალებით ვათარდება და შენდება. და როდესაც ერთიანათ ამ ორ ძალას ჩაანგრევთ, მე თქვენ გეკითხებით, რაზე უნდა აღმოცენდეს ნამდვილი წყობილება და სახელმწიფო? (ს. დადიანი ს. ფ. ადგილიდან: მეოცე საუკუნე არის).

არსებულ კანონ-პროექტის ფესაბებ, ბ-ნებო, მოგახსენებთ, შემდეგ: კანონ-პროექტში აღნიშნულია შემდეგი გარემოება: ყველა ტიპის სკოლებიდან იქნება იგი დაბალი საფეხურისა თუ მაღალის, იქნება იგი კერძო, თუ სახელმწიფოსი, უნდა იქმნეს განდევნილი საღმრთო სფული.

თქვენ ხალხს არ შეკითხებიათ, თქვენ არ იცით ხალხის აზრი ამ საგანზე, აიღებს, თუ არა იგი ხელს სამღვთო სჯულზე?

თუ არ გაქვთ უფლება, რომ ასეთ განსაკუთრებულ პირობებში შექმნილ კრებულს მიანიჭოთ ერთნაირი უფლება, რომ ხალხის დაუკითხავად ასეთი ძალადობა ჩაიდინოთ და ეს ძლიერება გაანადგუროთ.

მე თქვენ გეკითხებით: აი ამ სკოლებს სხვა და სხვა ტიპისას ქართველი ხალხის ფული ინახავს, ჰო თუ არა?

თუ ჰო, მაშინ მე თქვენ გეკითხებით, გაქვთ თუ არა რამე უფლება, რომ ხალხის დაუკითხავად ამ სკოლებზე იერიში მიიტანოთ და იმას, რაც ათას წლის განმავლობაში ზრდიდა ხალხს და სულიერად ამიღებდა მას; მე მგონი, არა.

თუ ვინმე ამას გაბედავს, ჩვენ ველარ ვივლით ამ ხალხში.

შემდეგ, ბატონებო, ჯერ არ გამოცხადებულა აქტი, საქართველოს საზღვრებში, ეკლესიის სახელმწიფოსაგან განშორებისა. (ხმები მარცხნით: იქნება).

მართალია მე ამის მომხრე ვარ, მე ამისი არ მეშინიან რადგან ამის მომხრე ვარ, მაგრამ ჯერ ეს აქტი არ გამოცხადებულა და მაშასადამე მთელი ცხოვრება სახელმწიფოსი და საეკლესიოსა ჯერ ერთს სხეულშია მოქცეული, და ეკლესია იკვებება სახელმწიფოს ხაზინიდან და ასეთ დაჩქარებით, ასეთ სიშმაგით ამ სკოლიდან განდევნა ამ სამხთო რჯულისა ჩემთვის გაუკებარი რჩება და ეხლა ვიმეორებ, თუ ეს მოხდა ეს იქნება დიდი დანაშაული ხალხის წინაშე.

აქ აღნიშნულია ერთი გარემოება: მართლაც და თუ სკოლებში სამხთო რჯულს ისწავლიან იმ სახით, იმ რიგათ, როგორც აქამდის ისწავლებოდა ეს ყოველად შეუძლებელია. უთუოდ უნდა მოხდეს მისი გადახალისება; უთუოდ საჭიროა რეფორმატიული მოძრაობა.

სასულიერო საქართველოში მე მწამს რომ ეს მოხდება და მას გამოუწინდება თავის მოძღვარიც საქართველოში. მაგრამ თუ ეს უნდა მოხდეს და გვიწერია რომ ხალხი სარწმუნოებას დაჰკარგავს და სხვა ზხას აირჩევს, ეს უნდა მოხდეს



არა ამისთანა ძალდატანებით, ის კი რასაც თქვენ სწადიხართ დაუქირებულად ხალხის ამ საკითხის გადაწყვეტა ნამდვილი ძალდატანება არის.

ეს უნდა მოხდეს ევოლუციის გზით, თითონ ხალხის შინაგან არსებობაში უნდა გაღვივდეს განცდის გადახრის გზით ერთი საფეხურიდან, მეორე საფეხურზე. მაშინ იქნება ეს კანონი ორგანიზული ნაწილი მისი ბუნებისა. თუ თქვენ ასეთი ყაჩაღური წესით მივარდებით დაუმსხვრევთ და დაუნგრევთ ხალხს სულიერ განვითარებას, გაანადგურებთ არსებულს და იმის ნაცვლად არაფერს არ მისცემთ; ასეთნაირი განადგურება ხალხისა სახელმწიფოს აღმშენებლობისათვის არაფერი მასალაა. ამნაირად ეს გზასახიფათოა რუსულისათვის. ჯერ მისი სწავლის ფარმის დაცვა შემდეგ საბოლოოდ მისი განდევნა სკოლიდან უნდა მოხდეს ევოლუციის გზით; ეს უნდა მოხდეს ნაწილობით, თვით ხალხის სურვილით, მისი ზრდათ მისი შინაგან განცდით და შემდეგ... (ხმა მარცხნივ) ეს ხალხის სურვილია.

ამ შემთხვევაში თქვენ ერს ნაკლებად წარმოადგენთ.

შემდეგ მეორე კითხვა ჩვენთვის აგრეთვე გაუგებარია. ის სიჩქარე და ის სიშმაგე, რომლითაც ცნდათ ეს საკითხი გადასწყვეტოთ; ვიმეორებ, ამ საკითხს აქვს უალრესი მნიშვნელობა, იგი უფრო სათუო საკითხი არის ცხოვრებისთვის და იმიტომ ესეთნაირი სისწრაფე და სიშმაგე, ყოველ შემთხვევაში საშური არ არის.

არის მრავალი სხვადასხვა საკითხები სოციალური ხასიათის, პოლიტიკური ხასიათისა, რომელნიც მოითხოვენ ყველა ელემენტების თანამშრომლობას და თავ მოყრას. ეს დიდი საკითხი გახლავთ და ეს ასეთ დროს თქვენ აქ მოდიხართ სრულიად მოუხადებელი საკითხში უისტორიოდ, უტრადიციოდ, ერთბაშად აუქმებთ საღმთო რუსულს ერთი დაკვრით.

იციოთ თქვენ, რომ ამით შეიძლება გამოიწვიოს აღშფოთება, უკმაყოფილება, მღელვარება? არის ხალხი მორწმუნე საქართველოში, რომელსაც შეუძლიან გავიდეს და ესე ილაპარაკოს, და ეს ბატონებო, ასეთ ძნელ მომენტში ესეთნაირ მუგუზხალს აგდებთ ხალხში, რის გამო ამ ხალხმა, შეიძლება ჩვენ ზურგიც აგვიქციოს და დაბადოს ერთგვარი შინაური უბედურობა.

მე მგონი, რომ ერთნაირი პოლიტიკური ტაქტი, თუ რა არის საშური და რა არა, ამ შემთხვევაში, ჩვენ უნდა გვიკრძალავდეს სწორედ ამ საკითხის გამოყოფას, სწორედ ამ საკითხის გადაჭრას ამ პარლამენტში, რადგან არ შეიძლება, რომ ხალხს არ შეეგვიტხოთ, როდესაც იგი აქ მოვა.

დამფუძნებელი კრება ამას გაითვალისწინებს და იგი გადასწყვეტს ამ საკითხს.

აკაკი ფაღავა. (ს.-ფ.) პარლამენტის წევრო! მართალი გითხრათ, ერთგვარ გაცხებით ამოვედი მე კათედრაზე. მე მგონია, რომ ეს საკითხი არ იყო ისეთი დიდი და მნიშვნელოვანი, რა მნიშვნელობაც იმას მისცეს აქ. (ხმა: რომელი საკითხი?) საკითხი საღვთო სჯულის სწავლის გაუქმებისა განსაკუთრებით დიდის პათოსით და მჭერმეტყველობით უკანასკნელი ორატორი მეტყველებდა და იმას თითქმის არაფერი უთქვამს საღვთო სჯულის სწავლის შესახებ, არამედ საკითხი ისე დააყენა, თითქოს ჩვენ ქრისტიანიზმის და არამც თუ ქრისტიანიზმის, საერთოდ, ზოგადად, ყოველივარ სარწმუნოებას ვებრძვიოთ და ამ მიზნით არ არის ეს კანონი წარმოდგენილი. გასაოცარი არის ის მსჯელობა რომელსაც ჩვენ აქ ვისმენთ. მის შემდეგ, რაც ყველა, არამც თუ სოციალისტური, არამედ უბრალო დემოკრატიულ პარტიების მიერ აღიარებული არის

სინიღისის თავისუფლება, მე ვერ გამიგია სწორედ, რა საბუთებით და რა საზრებით ესე გააფრთხილებით ებრძვიან ორატორები ამ კანონ-პროექტს. ჩვენ ქრისტიანიზმის საწინააღმდეგო არაფერი გვაქვს და არც მის მოსპობას ვცდილობთ და ძალიან ბევრიც რომ ვეცადოთ, შეიძლება ვერ მოვსპობთ. ქრისტიანიზმს აქვს ალბათ, თავის დამსახურება: შეიძლება მეტი, შეიძლება ნაკლები, ვიდრე სხვა და სხვა რელიგიურ მოძღვრებას, მაგრამ დღეს ხომ არ არის ეს საღაო საკითხი, ამნაირად არ არის საკითხი დასმული.

ბ. კედია მოგახსენებთ, რომ ქრისტიანიზმის საერთოდ და კერძოდ საქართველოში, დიდი დახმარება მოუძღვის. მიგვითითა ძველ ნაშთებზე, მწერლობაზე. მართალია, მე სავსებით ვეთანხმები ყველა იმას, ვინც ამბობს, რომ ქრისტიანობამ დიდი ღვაწლი გაუწია კაცობრიობას. კერძოდ, საქართველოში, მდიდარი და უშრეტო საღვთო და საეკლესიო ლიტერატურა გვაქვს [და ამას, უმეპელია ყველა ინტელიგენტი ყურადღებას მიაქცევს და შეისწავლის. მარტო სხვა რომ არ იყოს რა, მარტო ენის შესასწავლად დიდი მასალა მოიპოვება საქართველოს საეკლესიო ლიტერატურაში. აგრეთვე სხვა მასალა, მაგალითად, ხუროთმოძღვრება ქრისტიანობიდან დარჩენილი. კიდევ შეიძლება მოგვხდეს ბევრი რამ საყურადღებო, მაგრამ ეს მხარე და საღვთო სჯულის სწავლების საკითხი სულ სხვა და სხვა გახლავთ. ვერც ბ. სპირიდონი, ვერც ბ. ქარუმიძე და ვერც სხვა ვერ იტყვის, რომ ეს საეკლესიო მდიდარი მწერლობა — ჩვენ შეგვასწავლეს სკოლაში. ვერვინ ვერ იტყვის, რომ ის ხელოვნება, რომელიც ქრისტიანიზმმა მოგვაწოდა, ან და ქართულ ეკლესიის ისტორია — შეესწავლებიან ჩვენთვის ჩვენ საღვთო სჯულის მასწავლებელთ: მე, პირადად და ბ. ქარუმიძე ერთ და იგივე სასწავლებელში აღვიზარდებით. ეს ის სასწავლებელია, რომელსაც მალა ეჭირა ლამპარი ქართულ კულტურისა და თუ კი სადმე კიდევ საუკეთესო საღვთო სჯულის მასწავლებელი მოიპოვებოდა. ეს იყო ჩვენ სასწავლებელში: მაგრამ საეკლესიო მწერლობას სულ სხვა მასწავლებელი ვემარტავდა და საეკლესიო ისტორიას სულ სხვა გვასწავლიდა. აი ამგვარად იყო და დღესაც არის საქმე დაყენებული. ქრისტიანიზმის დამსახურებას არავინ არ ებრძვის. მით უფრო რელიგიის და სარწმუნოებას პირიქით, ჩვენ ვიცავთ სრულს თავისუფლებას სინიღისას. ჩვენ ვიბრძვით იმისთვის, რომ ის, რაც ერთისთვის სავალდებულო არის და თუ კი მას ზოგადი ხასიათი არ აქვს, — სავალდებულო არ იყოს სხვისთვისაც და ჩვენ, ამრიგად ამ მხრივ, ხოლოდ და ხოლოდ საღვთო სჯულის სწავლის შესახებ გვაქ სჯა-ბაასი. აქ ბ. აბხაზმა საკითხი ისე დააყენა, თითქმის ჩვენ ზნეობასაც ვეწინააღმდეგებით. მე აქ ხაზი უნდა გაუხვა იმას, რომ ის დიდ შეცდომაში არის. ბ. აბხაზის ტრიუმფირატი: ეკლესია, სკოლა და ოჯახი — ცუდი ტრიუმფირატი გახლავთ და იგი უნდა უკუ აგდოთ. ჩვენი ბრალი არ არის, თუ მართლა დიდი მოძღვრება ქრისტიანიზმისა წარყენეს და გააფუჭეს ეკლესიის მსახურთ. ამისთვის იმათ უნდა ავან პასუხი, რა ჩვენ. ზნეობა, ეთიკა, საჭირო არის. ჩვენ შეგვიძლიან საგანგებო, ახალი კანონ-პროექტი მივიღოთ, ჩვენ შეგვიძლიან მომავალ სამოსწავლო გეგმაში ეს საკითხი შევიტანოთ და ვილაპარაკოთ. მაშინ, გვექნება სამოსწავლო პროგრამაზე ლაპარაკი, მაგრამ დღეს ამაზე ლაპარაკი სრულიად ნადრევი გახლავთ. ბ. ქარუმიძემ. სხვათა შორის ბრძანა საღვთო სჯულზე, რომ თუ კი ჩვენ საღვთო სჯულს მოვსპობთ, ვტოვებთ *tabula rasa*-ს, სრულიად ცალიერ ადგილს, ცალიერ ფიცარს, საცა ყველას შეეძლიან, რაც უნდა ის დააწეროს, მაგრამ უკვე დიდი ხანია, რაც საღვთო სჯულის ადგილი ცალიერია. სამღვთო სჯულის გაკვეთილზე არც ერთი მოწაფე არაფერს არ იძენს. ნუ თუ თქვენ გავიწყდებათ



ჩვენ საღვთო სჯულის გაკვეთილებზე რას ვსწავლობდით, (ხმა: ლოცვებს!) დიხს, ლოცვებს, ეს სქოლასტიური ვაზუპირება ლოცვების, რომლის აზრი არ ესმის მოსწავლეს. შემდეგ, უფროს კლასებში ვსწავლობდით, მღვდელი როგორ უნდა შეიმოსოს, როგორ უნდა მოიხმაროს დიკოსი — დაასლოვებით ამის გვასწავლიდნენ. და ამას, არავითარი სარგებლობა არ მოუტანია არც ხალხისთვის, არც ახალგაზღვობისთვის. ჩვენ ვებრძვიით და ვსაობთ იმ უმსგავსობას, რომელიც დღეს დამყარებულია სკოლაში. ცალიერი ადგილი საღვთო სჯულისა დიდი ხანია არსებობს, ვინაიდან დადებით და შემოქმედებით აქ მასწავლებლების მიერ არაფერი არ ისწავლება.

აი ასე გახლავთ საქმე სამხთო სჯულის სწავლის შესახებ. სამღვდლოების შესახებ ბ. ქარუმიძემ მოიგონა 12 მარტის ნაბიჯი. ეს ნაბიჯი, რასაკვირველია სამღვდლოებისა მისაღები და მოსაწონი არის იმ მხრივ, რომ ქართველმა სამღვდლოებამ საჯაროდ მოიშორა სინოდის ოპეკა, და ამგვარად თავისი თავი თავისუფლად გამოაცხადა, მაგრამ, კიდევ უფრო უკეთეს იზამდა იგივე სამღვდლოება, ვიდრე ჩვენ პარლამენტში მივიღებდით ასეთ კანონს თითონ, თავის თავად ძალადობითი ოპეკიდან ხალხი განთავისუფლებინა. თუ ხალხის მცირე ნაწილსაც კი არ სწამს და არ უნდა ის, რასაც სამღვდლოება დღეს უქადაგებს, შეუძლებელია, რომ ჩვენ მივცეთ უფლება გააკეთონ ისე, როგორც მოქმედებენ დღეს. და, ამგვარად, ჩვენ ვხედავთ, რომ აქ ბრძოლა ქრისტიანების, და საერთოდ სარწმუნოების წინააღმდეგ არ არის. არამედ, აქ არის გალაშქრება წინააღმდეგ სამღვთო სჯულის სკოლებში დატოვებისა იმ გვარად რა გვარადაც არის დღემდის. ზნეობას ვასწავლით, თუ რა პროგრამა იქნება ახალ სკოლებში შემუშავებული, ეს მომავლის საქმეა. დღეს კი ფაქტი ის გახლავთ, სამღვთო სჯული არის tabula rasa. ამისთვის ხარჯის გაწევა არის ზედმეტი ბეგარა და ჩვენ დემოკრატიის ინტერესი გვავალებს, რომ თვითოეულ გროშ-კაპიკს გაუფრთხილდეთ. აი ასეთი გახლავთ საქმე.

შემდეგ, მე გადავდივარ თვით კანონ-პროექტზე. მართლაც, ეს კანონ-პროექტი ახდენს იმ შთაბეჭდილებას, რომ ნაუცხარად და ნაჩქარევად არის შედგენილი, რომ შინაგანი წინააღმდეგობაც კი არის. აი მაგალითი. პირველი მუხლი, რომელიც ასეთი არის: ყველა ტიპის და საფეხურის სახაზინო და კერძო უფლებიან სასწავლებლებში მოისპოს საღვთო სჯულის სწავლება და გაუქმდეს სამღვთო სჯულის მასწავლებელთა თანამდებობა.

აი ამ პირველ ნაბეგარზე ფრაქცია სოც.-ფედერ. ფიქრობს, რომ უნდა იყოს ნათქვამი: „ყველა ტიპის და საფეხურის სასწავლებლებში მოისპოს სამღვთო სჯულის სავალდებულო სწავლა“. ვინაიდან არა სავალდებულო სწავლას ჩვენ არ უარყვოდით. იმაზე კომისიის წარმოდგენილი კანონ-პროექტის 4 მუხლი ამბობს, რომ მშობლებმა თუ მოისურვეს, თავის ხარჯზე, თავისუფალ დროს, მიეცემათ უფლება ასწავლონ თავიანთ შვილებს სამღვთო სჯული. მაშასადამე, თუ კი ეს ესე არის — პირველი მუხლი ეწინააღმდეგება მეოთხეს, და აუცილებლად საჭირო არის მოსპოს თვით პრინციპის დასაცავად და მიზნის მისაღწევად. მშობლების კონტინგენტი ამა თუ იმ სასწავლებლის ნაწილი მოისურვებს დეე, იმათ ისწავლიან. ამიტომ ამგვარად უნდა იყოს რედაქცია შეცვლილი:

„სავალდებულო სწავლა სამღვთო სჯულისა ყველა ტიპის და საფეხურის სასწავლებლებში უსათუოდ უნდა მოისპოს“.

მეორე მუხლის შესახებ ჩვენ გვაქვს წმინდა სარედაქცია შესწორება. მხოლოდ არის ერთი მუხლი, სახელდობრ, მეხუთე, რომელსაც სოციალ-ფედერალისტთა ფრაქცია დღევანდელ პოლიტიკურ მდგომარეობის და იმ ხალხის



კულტურულ მდგომარეობის მიხედვით, რომელსაც ეს მუხლი შეეხება—**უბრალო** დება და შესაძლოდ ხედავს, რომ ეს მუხლი დარჩეს იმ სახით, რა სახითაც არის წარმოდგენილი კომისიის მიერ. რაც შეეხება მე-6 მუხლს, ის უუქველად უნდა შესწორდეს იმისთვის, რომ ჩვენ მართლაც რომ დიდ უსამართლობას ჩავიდინოთ, თუ კი დავტოვებთ ისე, როგორც აქ არის. და ვიტყვი, რომ შარიატის სწავლისთვის ხარჯი სახელმწიფო ხაზინის თანხიდან უნდა გამოვიღოთ. ეს იქნება დაბეგვრა ქრისტიანობის არაქრისტიანებისთვის. საერთოდ ყველა მცხოვრების დაბეგვრა, ერთ ნაწილის გულისთვის. და ეს ჩვენ მიგვაჩნია უსამართლობად. შარიატის მასწავლებელთა ჯამაგირი მიეცეთ, არსებულ წესით, საშუალო სასწავლებელთა სპეციალურ თანხიდან, ვინაიდან ჩვენ კულტურული და პოლიტიკურის მოსაზრებით იძულებულნი ვართ, რასაკვირველია, მხარი დაუჭიროდ მე-5 მუხლს, 6 მუხლი უნდა იყოს გასათქმული, როგორც ამას მოგახსენებთ. მეშვიდე მუხლი ტენნიკურის მოსაზრებით უნდა შესწორდეს. აქ არის ნათქვამი: „ეს კანონი ძალაში შედის დღიდან იმის გამოცხვენებისა“. მოგახსენებთ: შარჟან და დღეს ნორმალური მსვლელობა სკოლაში აირია და დღეს, ბევრი ცდის შემდეგ კალაპოტში ჩადგა სასკოლო ცხოვრება. უკვე ნუსხა გაკეთილებიან არის შედგენილი და ეხლა დანგრევა იმისი, რაც არის გაკეთებული, არ არის სასურველი ჩვენთვის. და ამიტომ შესაძლებლათ მიგვაჩნია არსებული მდგომარეობა დარჩეს დროებით და ეს კანონ-პროექტი ძალაში შევიდეს მომავალ სამოსწავლო წლიდან.

თავმჯდომარე. შემოტანილია წინადადება: შესწყდეს კამათი. ვინ არის იმის წინააღმდეგი, რომ შესწყდეს კამათი? უმრავლესობა. კრება გრძელდება.

სიტყვა ეკუთვნის პარლამენტის წევრს რაფიელ ივანიცკის.

რაფიელ ივანიცკი, (რ. ინგილო) (ნ. დ.) ბატონებო, ძალიან ძნელია პრინციპიალური მსჯელობა ამ საკითხის გამო, ძნელია ერთმანეთის დაჭერა, ან გადაჯერება იმაში, რაც ყველასათვის აშკარა და გამოჩვეულია და რის შესახებაც გარდაწყვეტილება წინდაწინვე გამოტანილია. აქ მსჯელობა შეიძლება მხოლოდ კანონ-პროექტის მხოლოდ მიზანშეწონილებზე. იხადება საკითხი: რამდენად საჭიროა სახელმწიფოსთვის იმ წესის მიღება, რომელიც ნავარაუდევია ამ კანონ-პროექტით. მომხსენებელმა ბ. ნათაძემ აღნიშნა, რომ მოსალოდნელია პარლამენტმა მიიღოს კანონ-პროექტი ეკლესიის სახელმწიფოსაგან ჩამოშორებაზე, ეს კანონ-პროექტი მას წინ უსწრობს. ამიტომ ეს უნდა მივიღოთო. ბატონებო, სწორედ იმიტომ, რომ მოსალოდნელია და ალბად ახლო მომავალში განხორციელებული იქნება ეკლესიის განშორება სახელმწიფოსაგან. მე შგონია, ეს კანონ-პროექტი უკან უნდა იყოს წაღებული. ჩვენი სახელმწიფოს პოლიტიკა ასეთ გეზს დაადგა, რომ აღრე თუ გვიან პარლამენტი ან მის შემდგომ სხვა დაწესებულება უსათუოდ იქონიებს სჯა-ბაასს სარწმუნოებებზე და ეკლესიაზე. საღი სახელმწიფოებრივი მოსაზრება უნდა ცხად ჰყოფდეს ჩვენთვის, რომ ეს კანონ-პროექტი, როგორც ნაწილი იმისა, რასაც შემდგომი შეეხება საერთოდ კანონ-პროექტი ეკლესიის განცალკევებისა, შემოტანილი ყოფილიყო ან იმის შემდეგ ან მასთან ერთად ე. ი. მაშინ, როდესაც საკანონმდებლო ორგანო განიხილავდა ეკლესიის სახელმწიფოსაგან გამოყოფას. ხოლო, რაღვანაც ჩვენ ჯერ ვცხოვრობთ ისეთ პირობებში, როცა სახელმწიფო და ეკლესია წარმოადგენენ განუყოფელ ერთეულს და ეკლესია-მოკმედობს, როგორც სახელმწიფოებრივი ინსტიტუტი, — პარლამენტისთვის, ამ უმეტესად საკანონმდებლო დაწესებულებისთვის სავალდებულო უნდა იყოს ამ ფარგლებში მუშაობა, რათა არ შეილახოს უბრალო იურიდიული მოთხოვნილება: ამ კანონ-პროექტის



ავტორებს დაჰვიწყებით ჩვენი საპარლამენტო ტრადიცია. მოგხსენებთ, ზგ. ტონებო, რომ პარლამენტში არსებობს ეგრედწოდებული სარწმუნოების კომისია, რომელსაც არ ვიცო, რა მოსაზრებით ჩვენი პარლამენტის პრეზიდენტი ყურადღებას არ აქცევს და რომელიც პარლამენტის რეგლამენტის მე-82 მუხლის ძალით აქამდის დათხოვნილი უნდა ყოფილიყო. ეს კომისია არც კი შეკრებილა, და ამ კომისიაში არც ერთი კანონ-პროექტი არ შეტანილა, და ამ კომისიის რჩევას, ამ კომისიის აზრს არც კი შეჰკითხებიან. დღეს განათლების კომისიამ, რომელმაც შემოიტანა ისეთი სპეციალური საკითხი, ისეთი სპეციალური საგნის კანონ-პროექტს სარწმუნოების განდევნისა სკოლებიდან, არ შეჰკითხებია ამ კომისიას, რომელსაც განსაკუთრებით რელიგიურ საკითხთა გამოკვეთვა აქვს დაკისრებული. მიღება განათლების კომისიის მიერ ხსენებულ კანონ-პროექტისა სარწმუნოების კომისიის შეუკითხავად, მისი აზრის მოუსმენლად არის, თუ გნებავთ, იურიდიული საფუძველი კანონ-პროექტის უკან წაღებისა. მაშასადამე, ბატონებო, არის ორი მოსაზრება წმინდა ფორმალური ხასიათისა: ჩვენ არ გედავებით თქვენს პრინციპზე, — თქვენთან პრინციპზე დავა ძალიან ძნელია და უშედეგო. ფორმალურ წესების დაცვას თქვენგანაც მივითხოვთ. ერთი, ბატონებო, ეკლესია არის სახელმწიფოში მომქმედი სახელმწიფოებრივი ინსტიტუტი. ჯერ მისგან განუყოფელი და მოუშორებელი და მეორეც პარლამენტში საზოგადოდ ისეთი წესებია, როდესაც შემოდის განსახილველად და დასამტკიცებლად კანონ-პროექტები, რომლებიც ეხება რამდენიმე კომისიის კომპეტენციას. კომისიები ვალდებული არიან ან საერთო სხდომა მოახდინონ, ან სხვა კომისიებს აცნობონ მაინც თვისი დადგენილება...

რაც შეეხება არსებითად ამ კანონს-პროექტს, მე მინდა მხოლოდ ისეთი მოსაზრება გავუზიაროთ: ჩვენ, ბატონებო, ეკანონმდებლობთ არა მარტო იმისათვის, რომ ესა თუ ის კანონ-პროექტი ძალდატანების აპარატის საშუალებით ცხოვრებაში გავატაროთ უსათუოდ დემოკრატიული დაწესებულება უნდა ზრუნავდეს აგრეთვე იმისთვის, რომ ჩვენ მიერ დაწერილი კანონები ხალხის მიერ შეწყნარებული იქნეს, — იმ დემოსის, დემოკრატიის მიერ რომლის სახელით აქ ასე ხშირად ლაპარაკობთ რას მოითხოვს ქართველი ხალხი, ბატონებო? აქ მგონი, ბ. ნინიძემ სთქვა, (ნინიძე: ზე არაფერი მითქვამს) ვინ დაგკითხნენ, ან ვისგან იყო შედგენილი ის აუარებელი მოთხოვნები, რომელიც საკათალიკოსო-საბჭოს საშუალებით წარმოდგენილი იქნა პარლამენტში (ნინიძე: რუსიამ სთქვა) და ვინ დაუწერაო? ამაზე მე უნდა მოგაგონოთ შემდეგი: საქმე იაშია, რომ როდესაც ხალხის ნამოქმედარი სასარგებლო მემარცხენე სექტორისათვის ყოველთვის ისე გამოდის, რომ ხალხს ნამდვილად უთქვამს, ან ქეშმარილად გამოუთქვამს სურვილი, მაგრამ როდესაც ხალხის ზრახვა ეწინააღმდეგება ამ სექტორის სოციალ პოლიტიკურ ლოზუნგებს, მაშინ უსათუოდ სხვა ვიღაც ალაპარაკებს ხალხს... ასე იყო ბატონებო, როდესაც ლეჩხუმში და დუშეთში გლეხობა პირველ ნომერს უყრიდა კენჭებს და ეს იყო დემოკრატიული გამოსვლა, ხოლო როდესაც იმავე ლეჩხუმში და დუშეთის მაზრაში მთავრობის საწინააღმდეგო აგიტაცია და შემდეგ შეიარაღებული აჯანყება დაიწყო, მაშინ მთავრობის თავმჯდომარემ ერთ-ერთ მიტინგზე გამოაცხადა — ეს არის ვანდის ნიშნები, ასეთიაო სთქვა მაშინ პრეზიდენტმა მოუშხადებელი, განუფითარებელი გლეხკაცობა და ასეც უნდა მოქცეულიყო სწორედ მთავრობის წინააღმდეგ უნდა გამოელაშქრნა... და მე გეკითხებით ბატონებო, როდის იყო მართალი ეს მღეხობა. დღეს ბატონებო, თქვენ არჩევთ ისეთ საკითხს, რომელიც ერთი ორატორის თქმისა არ იყოს, უადრესი მნიშვნელობისა და რომელსაც შესაძლებელია



მოწყვეს დიდი უსიამოვნება. რაშია საქმე? ჩვენ ერთი ხელის გასმით ვსპობთ იმას, რაც საუკუნოებმა უხსოვარ დროიდან ჩავვაბარეს და ეხლა ჩვენი ერთი ნაჩქარევი, უხეირო კანონ-პროექტით გვინდა ძირითადი ცვლილება შევიტანოთ ისეთ საკითხში, რომელიც ეხება მცხოვრებთა დიდი უმრავლესობის ინტერესებს. არა ვართ მოწადინებული ბატონებო, უსათუოდ დავამყაროთ საქართველოში კლერიკალური წესწყობილება, არ გვინდა მოვახვიოთ თავზე ის, რაც ქართველ ხალხის შეგნებისთვის მისაღები არ არის. რმაშ რათ გინდათ თქვენ მოახვიოთ ქართველ ხალხს ის, რაც ქართველ ხალხისთვის მიუღებელია. რატომ გინდათ ქართველ ხალხს წაართვათ ის, რასაც ნებაყოფლობით არ ეძლევათ? როცა ბატონებო, აქ თქვენ უკვე გითხრეს აუარებელ სოფლების განაჩენებზე, რომელიც განათლების მინისტრის პორთფელშია, მე არ ვიცი, როგორ უყურებს ამას მემარცხენე სექტორს მე კი ვშიშობ, რომ ვანდია სწორედ აქედან დაიწყება.. შესაძლებელია, თქვენ ამ კანონ-პროექტით ისეთი არეგ-დარევა შეიტანოთ ქართველი ხალხის გონებაში, რომ ყირამალა დაატრიალოთ მთელი სახელმწიფოს ცხოვრება და უფსკრულში გადასჩებოთ საქართველო სახელმწიფოებრივად მოწყობის შესაძლებლობაც კი... მე მაშინებს და მაწუხებს, რომ განათლების კომისიას, რომელმაც თავს იდგა ასეთ კანონ-პროექტის წარმოდგენა ეროვნულ საბჭოში, ასეთი პერსპექტივები არ ჰქონდა მიღებული მხედველობაში, თორემ ყოველ შემთხვევაში. დაუცდიდა იმ დროს, როდესა დაკანონდებოდა ეკლესიის სახელმწიფოდან ჩამოშორება.

და მივიღებდით ყველასთვის სავალდებულოდ. რადგანაც ეს ჯერ არ მომხდარა, შეუძლებელია ასეთი გამოწვევის დადასტურება.. კანონ-პროექტი, არც იურიდიულად და არც არსებითად დღევანდელს ურთიერთობაში ჩვენთვის მისაღები არ არის. მე არ ვიცი, ვის ებრძვით ჩვენ, როცა სკოლებში საღვთო სჯულს ვსპობთ. ვის ეომებით, ბატონებო? კლერიკალებს? რომლითაც, ვითომც გაუღნითლია ჩვენი საცოდავი სამღვდლოება, ებრძვით სამღვდლოების გავლენის ზრდას ხალხზე? თქვენ ხომ კარგად მოგეხსენებათ, რომ საქართველოში სამღვდლოება დაშორებული და მოკლებულია ყველა ამას. თუ თქვენ გინდათ გადმოიტანოთ ის, რაც საფრანგეთში იყო; მაგრამ ანალოგიას ცოტათი დაკვირვებითი მოპყრობა ესაჭიროება და თუ თქვენ გგონიათ, რომ საქართველოში სამღვდლოება ისეთივეა, როგორც კათოლიკობის ქვეყანაშია, კონგრეგაციების სახით საფრანგეთში, თუ გინდათ საქართველოს სამღვდლოებას ეს მოახვიოთ, რაც მე მოგთხოვთ მცირე ჩაფიქრებას. რომ ეს საშინელი ლანდები თავიდან მოგცილდეთ ის, რაც პირნათლად და გულწრფელად სთქვა თქვენმა ორატორმა ბ. დოლიძემ მართლა სათქმელი იყო. მან სთქვა ის, რაც ყველა თქვენგანს ჩამარხული აქვს გულში, მაგრამ არ ამქდავენებს. თქვენ სდევნით „ცრუ-მორწმუნოებას“ და ქრისტიანობას ბრძოლას უცხადებთ ამ ნიადაგზე. თქვენ კარგად მოგეხსენებათ შინაარსი ქრისტიანული მოძღვრებისა, იცით, რა არის მისი დედა-აზრი და ნუ თუ ცრუ-მორწმუნობაზე მეტი ვერა აღმოაჩინეთ-რა მასში? ბატონმა დოლიძემ არც აცივა, არც აცხელა და პირდაპირ გამოაცხადა: „ქრისტიანობა წარმოადგენს ცრუმორწმუნოებას, რომელიც ეწინააღმდეგება ჩვენს პოლიტიკურ მოძღვრებას, ეწინააღმდეგება დემოკრატიულ სულის კვებებას და რასაკვირველია, უნდა მოვსპოთ“-ო.

წინად თქვენ აცხადებდით, რომ იცავთ სინდისის თავისუფლებას, ეხლა კი გაიძახით, რომ ებრძვით ცრუმორწმუნოების განაგრძელებელ ინსტიტუტს. თავი დავანებოთ პრინციპიულ ბაას და ვიკითხოთ: თვით სახელმწიფოებრივი ინტერესი მოითხოვს, რომ ეს კანონ-პროექტი, რომელიც ეხება ხალხის, საარ-



სებო ინტერესებს, ასეთი აჩქარებული ტემპით გავატაროთ პარლამენტში. მერვე წელიწადში წარმოდგინდეს კანონ-პროექტისა ენება მაჰმადიანების სარწმუნოების სწავლებას და აქ მომხსენებელმა გამოსთქვა ერთი უცნაური აზრი და დაამტკიცა, რომ მას ისევე აქვს წარმოდგენილი მაჰმადიანთა სარწმუნოება, როგორც ქრისტიანთა? მაჰმადიანთა სჯულის სწავლების თაობაზე მან სთქვა, რომ დატოვებული იქნება სასწავლებლებში საღვთო სჯულის სწავლება. კი არა, არამედ მხოლოდ შარიათი! ეს სარწმუნოების შესწავლა არ არის, აღიარა მომხსენებელმა ეს მხოლოდ დაავიწყდა ეთქვა, რომ შარიათი საცემბით დაფუძნებულია მაჰმადიანების სარწმუნოებაზე და საცემბითვე მომდინარეობს მაჰმადიანთა სჯულის წიგნი—ყურანიდან. და თუ მომხსენებელმა ეს იცის, რად შეჰყავთ შეცდომაში. პარლამენტის წევრები... მეორე მოსაზრება მომხსენებლისა იყო პოლიტიკური ხასიათისა. ის ლაპარაკობდა, რომ ჩვენ დღეს-დღეობით დავტოვეთ შარიათის სწავლა მაჰმადიანების სასწავლებლებში, რათა არ დაგვეფრთხო მაჰმადიანები და არ იფიქრონ, რომ უერთდებიან ისეთ სახელმწიფოს, რომელიც უდიერად ეპყრობა სარწმუნოებას. მაგრამ, ბატონებო, იგივე მაჰმადიანები, როცა დაინახავენ და დარწმუნდებიან, რომ ჩვენ ვართ ავტორნი ასეთ კანონ-პროექტისა, რომელიც უპატიოდა ჰხდის ჩვენი ხალხის უმრავლესობის სარწმუნოებას, რელიგიურ გრძობას, როდესაც ჩვენგან გამდგარი მაჰმადიანები დაინახავენ, რომ ჩვენ აქ ვაკნონებთ ისეთ წესებს, რომელიც უარსა ჰყოფენ და ჰსობენ სარწმუნოებასა და ღვთის შეტყველების შესწავლის საშუალებას? მაშინ გარწმუნებთ ისინი გაერთიანებაზე კი არ ფიქრებენ, ისინი იფიქრებენ, რომ სჯობს არ შეუერთდნენ იმ სახელმწიფოს, რომელიც ასე უდიერად ეპყრობა სარწმუნოებასო. და მათ ვერც უსაყვედურებთ ჩვენ.

დღეს ჩვენ ასე ვეპყრობით ქრისტეს სარწმუნოებას, შემდგომ კი ამავე გზას დავადგებით მაჰმადიანების შესახებაც. ჩვენ არ დავიზარებთ ამისთანა კანონ-პროექტის შეთხზვას მაჰმადიანთა მასისთვის. მე მგონია, რომ ამ კანონ-პროექტის აჩქარებით შემოტანა გამოწვეულია მხოლოდ იმ მოსაზრებით, რომ დაამტკიცონ მმართველი პარტიის უაღრესი დემოკრატიზმი, რომელზედაც ამ კათედრიდან დოლიძე მიგვიითებდა. მართალია, ნ. ჟორდანიამ განაცხადა, რომ საქართველოს სახელმწიფო სუფთა ფიცარია, რაზედაც, ალბად, სოც.-დემოკრატია აღბეჭდავს პოლიტიკურ სიბრძნეს, მაგრამ თუ ესაა ჩვენ ვრწმუნდებით, რომ წარწერა ფიცარზე უკვე არის და ჩვენ წარზულ ცხოვრებასა და გამოცდილებას მასზე ბევრი საუკეთესო მეცნიერებანი გამოუსახავს, სამაგიეროდ სოციალ-დემოკრატები გულმოდგინეთ ჰშლიან ყოველ წარწერას, ხოლო ახალი წარწერანი ხეიროს არ გვიქადაიან. და მე ვწუხვარ, რომ შესაძლოა მართლაც ისეთი ურიგო რამ დავეწროთ ამ ფიცარზე, რაც საბედისწერო იქნება საქართველოსთვის და ქართველი ხალხისთვის. სიმართლე მოითხოვს ეთქვა, რომ ჩვენი სოციალისტური მთავრობა არც ისე ურიგოდ ეპყრობა რელიგიის მსახურთ თქვენ იცით, რომ, როდესაც კვდება სარწმუნოების წარჩინებული წარმომადგენელი, სოციალისტური მთავრობა არ ჰზოგავს ათასობით ფულის გაღებას მდიდარ კუბოს შესაძენათ, პატივისცემა კი ჩემის აზრით საჭიროა არა მარტო განსვენების დროს,—პატივის ცემა უნდა გამოიჩინოთ მაშინაც, როცა ენებით რელიგიურ დაწესებულებას მიმქმედსა და ცოცხალს რომელიც, ხალხსა სწამს და პატივით ეპყრობა. (ნენიძე-ცოცხლის განსვენება არ შეიძლება), სოციალ-დემოკრატებს, სხვათა შორის, სჩვევიათ, ხშირად ნათლი-მამობის გაწევაც, და ამ საქციელის დედ-მამის პატივისცემითა ჰხსნიან. მე მგონია, ეს პატივის ცემა საუაღრესესია არა მარტო დედა მამისადმი, არამედ ხალხისადმისაც,



საგაღმდებლო უნდა იყოს. თქვენ ამ ნათელ მირონობას, ბოდიშს ვიხდით პარლამენტარულ სიტყვისთვის, ისეთი ყაჩაღურის წესით, საჩქაროდ და დაუკითხავთ სტაქვით დემოკრატის, რომლის საბელი დღე—მუდამ ჰირზე გადგათ. აი, ბატონებო, სარწმუნოებაზე არი ერთი სოფლის, რომელიც თავიდან ბოლომდინ სოც. დემოკრატებს ანიჭებს ხმებს. ამ სოფელში გაეძევიანთ მღვდელი როდესაც სოფელს შეეკითხა ერთი ჩვენი საეკლესიო მოღვაწე (ხა—ტერტერა) რისთვის სდევნის სოფელი მღვდელს, იქნებ მათ ეკლესიის საწინააღმდეგო აქვთ რამ, გლეხებმა უპასუხეს—გვინდა მოვიშოროთ მხოლოდ უღირსი მცველი, ხოლო რაც შეეხება სარწმუნოებას, ჩვენ ამ სარწმუნოებას დავიცავთ მუდამ და ვნახავთ, რომელი იქნება ის მთავრობა, რომელიც სარწმუნოებას მოგვაშორებს თავიდანო. მაგრამ, დამშვიდებულნი იყავით, რადგანაც შუქარას არ გითვლით არც შიშის ჩანერგვა მინდა თქვენში, რადგანაც თქვენ ხელთ არის ძალდატანების აპარატი, რომლის შემწეობით დაამხოთ ქართველი დემოკრატის უკმაყოფილება. ჩვენ მაინც გაფრთხილებთ, რომ დემოკრატულმა თავრობამ და დემოკრატულმა პარლამენტმა ისეთი ნაბიჯი არ გადადგას, რომელსაც ქართველი ხალხი არ შეიწყნარებს და თუ კი თქვენ მაინც გადადგით ეს ნაბიჯი და განათლების კომისიის მიერ წარმოდგენილი კანონ-პროექტი მიიღეთ, მაშინ შეიძლება მის წინააღმდეგ პარლამენტის შემარჯვენე სექტორმა კი არ ასწიოს ხელი, მის წინააღმდეგ ამხედრდება მთელი ქართველი ხალხი... ეს კი არც თქვენთვის და არც მით უმეტეს სახელმწიფოს მთლიანობისთვის ხელსაყრელი არ იქნება..

თავმჯდომარე. შემოტანილია წინადადება, რომ კამათი მოისპოს. კენჭს უყრი ამ წინადადებას. კამათი გათავებულია.

მეორე წინადადება—კრება გადაიღოს. კენჭს უყრი. კრება გადადებულია. კრებას ვხურავ.

კრება იხურება 4 საათზე ნნ წუთზე.

